

ԼՈՒՄԱՅ

ԳՐԱԿԱՆ ՀԱՆԴԻՍԻ

1898 թ.

Ա. ԳՐԻԳՐ

ՅԱԿԵԼՈՒԱԺ

ՄՕՐԷԻ ԻՇԽԱՆ

ՊԸՏՄԱԿԱՆ ՎԷՊ

Թարգ. վահան Ծ. Վ. Բաառաւեան

1844

1844

1844

1844

1844

1844

1844

1844

Սոյն պատմական վիպասանութիւնը գրած է յունարէն լեզուով: Մենք թարգմանեցինք ռուսերէն թարգմանութիւնից ¹⁾: Թէպէտ այդ պատճառով ընագիրը պէտք է անշուշտ շատ քան կորցնէր իւր արժանատրութիւններէց, ըայց եւ այնպէս՝ եթէ ընթերցողը ուշադրութեամբ կկարդայ այս պատուական վիպասանութիւնը, նա կգգայ իւր սրտի եւ հոգու վերայ այն վսեմ եւ ոգեւորիչ տպաւորութիւնը, որ գործում է սա: Եւ այդպիսի դէպքերում մենք հասած կլինենք մեր թարգմանութեան նպատակին:

ՎԵՋԵՆ Ժ. ՎԵՐԴ. ԲԵՍՏԵՄԵՆՆ

¹⁾ Ռուսերէն թարգմանութիւնը տպուած է „Семёйные вечера“ ամսագրի 1875 թ. 1—4 համարներում: Հայ թարգմանութեան լեզուն հարկ եղաւ մի փոքր սրբագրել:

Ueber die Bedeutung der Worte "Gott" und "Götter".
 Diese Worte sind in der Sprache der Völker
 sehr verschieden gebraucht worden. In der
 griechischen Sprache bedeutet "Gott" den
 höchsten Geist, den die Völker verehren.
 In der römischen Sprache bedeutet "Gott"
 den höchsten Geist, den die Völker verehren.
 In der lateinischen Sprache bedeutet "Gott"
 den höchsten Geist, den die Völker verehren.
 In der deutschen Sprache bedeutet "Gott"
 den höchsten Geist, den die Völker verehren.
 In der französischen Sprache bedeutet "Gott"
 den höchsten Geist, den die Völker verehren.
 In der englischen Sprache bedeutet "Gott"
 den höchsten Geist, den die Völker verehren.

Ueber die Bedeutung der Worte "Gott" und "Götter".

Ueber die Bedeutung der Worte "Gott" und "Götter".
 Diese Worte sind in der Sprache der Völker
 sehr verschieden gebraucht worden. In der
 griechischen Sprache bedeutet "Gott" den
 höchsten Geist, den die Völker verehren.
 In der römischen Sprache bedeutet "Gott"
 den höchsten Geist, den die Völker verehren.
 In der lateinischen Sprache bedeutet "Gott"
 den höchsten Geist, den die Völker verehren.
 In der deutschen Sprache bedeutet "Gott"
 den höchsten Geist, den die Völker verehren.
 In der französischen Sprache bedeutet "Gott"
 den höchsten Geist, den die Völker verehren.
 In der englischen Sprache bedeutet "Gott"
 den höchsten Geist, den die Völker verehren.

Մ Օ Ր Է Ի Ի Ղ Խ Ա Ն

Վ Է Պ

1.

ՍՊԱՍԵԼՈՎ ՄԵՆԱՄԱՐՏՈՒԹԵԱՆ ՀԱՆԴԻՍԻՆ

1209 թուականի Սեպտեմբեր ամսի մի պայծառ օր էր: Լակեդեմոնի բնակիչները զարդարուել էին տօնական լաւագոյն շորերով:

Դեռ նոր էր լուսանում, բայց ժողովուրդը խումբ խումբ կիտուում էր մի բոլորաձեւ ահագին շինութեան շուրջը: Այդ բիւզանդական ճաշակով շինուածքի աւերակները երևում են տակաւին մինչև այսօր: Տեսնելով այդ բոլոր շարժողութիւնը, այդ շտապը և տագնապը, ժողովրդի պապիսի մեծագումար բազմութիւնը, կարելի էր կարծել թէ՛ Սպարտան վերստին ածնում է իւր հինաւուրց տօները, կամ՝ վերադառնալով Լիկուրգոսի հաստատութեանց ժամանակներին՝ վերստին, որպէս հնումը, հաւաքւում է ժողովուրդը հրապարակի վերայ:

— Ի՞նչ ես անում, կոյր ես, ի՞նչ է, գոչեց մէկը ամբոխի մէջ, ուժգնութեամբ մղելով մի արտաքին դրութեամբ վայրենի և ոչխարի մորթերով ծածկուած հովուին, որ կոխեց գոչողի ոտը:

— Թողէ՛ք անցնեմ, աղաղակում էր հովիւը, ձեռքերը թափ տալով, — ես կամենում եմ ներս մտնել:

— Եթէ կամենում ես մտնել, գնա՛ ուրեմն քո ոտների վերայ, և ոչ թէ ուրիշի:

— Ես գնում եմ ինչի վերայ որ պատահում է, պատասխանեց հովիւը, ցոյց տալով երկու հսկայական բռունցք:

որ կարող էին յարգանք ազդել ամենամանկ հեր մարդուն անգամ:—Հեռուից եմ եկած տեսնելու մենամարտութիւնը:

—Եթէ եկել ես հեռուից, խրոխտաբար խրատում էր առաջինը, —կարող ես վերադառնալ և գնալ աւելի հեռու:

—Մի՛ շտապիր այդպէս, ասաց մի երիտասարդ Արգիացի, որ կանգնած էր հովուի մօտ, —մինչև իշխան Գողթրիգի գալը չի սկսուի մենամարտութեան հանդէսը:

—Ա՛խ, ուրեմն նա դեռ ևս չէ՞ եկել, հարցրեց հովիւը:

—Ի հարկէ՞ ո՛չ, պատասխանեց Արգիացին: —Ես միայն նորան եմ սպասում. կտեսնեմ նորան և իսկոյն կերթամ:

—Բայց, ինչպէս տեսնել նորան: Ասա՛ ուղիղը, ընկեր, ծիծաղելով ասաց Լակեդեմոնացին, որ առաջինը սկսեց խօսել. բեղ ցանկալի է տեսնել չքնաղ Աննային, և ոչ թէ իշխան Գողթրիգ դը—Վիլլարդուինին: Այն օրից, երբ դու տեսել ես Աննային, խելագարուել ես:

—Չեմ ուրանում, ասաց Արգիացին. —նա հրաշք է գեղեցկութեան, նա աւելի գեղեցիկ է քան թէ արեգակը, աւելի թարմ է քան թէ Արտուսի պարտէզների բոլոր վարդերը: Բայց նորան տեսնելու համար չէ՞ որ ինձ կհարկաւորի յետաձգել գնալս մի քանի ժամանակ:

—Ո՞վ է դա, այդ գեղեցիկ Աննան, հարցրեց հովիւը Արգիացուց:

—Ինչպէս, պատասխանեց նա, —դու հովիւ ես Վլաքից, դու պէտք է նորա հայրենակիցը լինիս: Աննան Ելլադայի իշխանի աղջիկն է:

—Մեր Թէոդոր իշխանի աղջիկը: Բայց, ինչի համար է նա այստեղ:

—Նա այստեղ է իւր պապի հետ:

—Ա՛խ, ծերունի Պետրալիֆասի՞ հետ:

—Ուրեմն, դու նորան ճանաչո՞ւմ ես:

—Ինչպէս չճանաչեմ. ես վլաք եմ, միւսնոյն նահանգից, Արտայում ես յաճախ տեսել եմ իշխանին և նորա աներոջը: Ուրեմն Պետրալիֆասը կգա՛յ այսօր այստեղ իշխան Գողթրիգի հետ:

—Անկասկած, կգայ, պատասխանեց Արգիացին: —Այնպէս չէ՞, ընկեր:

— Ի հարկէ, ասաց Լակեղեմոնացին: — Գողթրիդ դը—Վիլլարդուէնը մեծ պատիւ և ուշադրութիւն է ցոյց տալիս իւր հիւրին: Հէնց նորա համար պատրաստեց նա և այսօր մենամարտութեան հանդէսը. Աննան պիտի յանձնէ յաղթողին ոսկի պսակը:

— Աննան, գոչեց Արգիացին. — պէտք է մնալ և տեսնել: Բախտաւոր է նա, ով կստանայ մրցանակը նորա ձեռքից:

— Իսկ ես կարծում եմ որ՝ աւելի բախտաւոր կլինի նա, ով կստանայ նրա իսկ ձեռքը, ծիծաղելով ասաց Լակեղեմոնացին:

— Ինչո՞ւ է եկել այստեղ մեր իշխանի աները, հարցրեց հովիւը: — Նա ի՞նչ գործ ունի օտար երկրում:

— Օտար երկրում, գոչեց մէկը ամբոխից, Կալամատի բնակիչ, բայց Պետրալիֆասը այստեղ ինչպէս իւր տան մէջն է:

— Մի՞թէ, ինչո՞ւ:

— Ինչո՞ւ: Ահա՛ ինչու, պատասխանեց մեսիկնացին: — Երբոր Պետրալիֆասը Ալէքսիանոս կայսեր սիրելի պալատականն էր, այն ժամանակ նա, իբրև խորամանկ և փորձառու մարդ, հոտով զգաց որ՝ կայսերութեան գործերը վատ են. նա հոտ առաւ որ՝ օդի մէջ շրջում էր փոթորիկ, և խորամանկը հոգս քաշեց դէպ ժամանակին փոխել ոսկու վերայ կայսեր բարեկամութիւնը: Բայց մտածելով որ՝ և ոսկիքը կորչում են շատ անգամ խառնաշփոթ ժամանակ, Պետրալիֆասը նոցանով հողեր գնեց Մօրէում, այնպէս որ այժմ Կալամատի և Մանի ամենապտղաբեր դաշտերը, այն բոլոր երկիրները, ուր չեն բնակւում սլաւոնները, պատկանում են այդ ծերունուն: Ահա՛ թէ ինչու նա Մօրէումն է:

— Բայց գուցէ կայ և մի ուրիշ պատճառ, նկատեց Լակեղեմոնացին խորհրդաբար աչքով անելով:

— Ո՞րպիսի պատճառ ձեր կարծիքով, հարցրեց կալամացին:

— Ասում են թէ իբր նա իւր թոռնուհին տալիս է Գողթրիդ դը—Վիլլարդուէնին, մեր կուսակալի որդուն:

— Գողթրիդին, ձեր կուսակալի որդուն: Ով այդ ասում է, սխալւում է, ասաց մի յոյն, որ լսում էր այդ խօսակցութիւնը: — Աննան կամուսնանայ Տօնի եղբորորդուհետ:

—Ի՞նչ Օտօն, հարցրեց Արգիացին:

—Օտօն դը-Լառօշ, Աթէնքի իշխան: Ելլադայի իշխանին ձեռնտու է խնամենալ Ատտիկէի իշխանի հետ:

—Բայց, ասաց Լակեդեմոնացին, — Նորան աւելի ևս ձեռնտու է խնամենալ Պելոպոնէսի իշխանի հետ. չէ՞ որ դը-Լառօշը նորա իշխանութեան տակն է:

—Ի հարկէ, պատասխանեց յոյնը, — եթէ Վիլլարդուինը լինէր իսկական տէրը, բայց նա միայն կուսակալ է:

—Վուսակալ կամ տէր — միևնոյն է, պատասխանեց Լակեդեմոնացին: — Ես կցանկայի տեսնել թէ՛ ի՞նչ տէրը բարձր է Վիլլարդուինից. նա իւր հօրեղբոր, ծերունի Գոտֆրիդի արժանաւոր ժառանգն է:

—Ա՛խ, Ռօմանիայի մարաջախտէ՛. այո՛, նա խելօք և բաջ ասպետ էր, ասաց Արգիացին:

—Երկու կայսրը, առաջ Բալդուինը, իսկ յետոյ Հենրիկոսը, հաւասար կերպով յարգում էին նորան, աւելացրեց սպարտացին: — Իբրև նշան յարգանաց դէպի ծերունի Գոտֆրիդը, Հենրիկոս կայսրը առաջարկեց նորա եղբորորդուն, մեր կուսակալին, ընտրել իւր ուզած երկիրը:

—Եւ նա ընտրեց Մօրէ՛, հարցրեց հովիւը:

—Նա ոչինչ չընտրեց, պատասխանեց Վալամատցին: — Նա պատասխանեց թէ՛ ընտրութիւնը թողնում է իւր թըրին — և դարձաւ Շամպանացուն ստորագրեալ իշխան:

—Այսինքն, նկատեց Լակեդեմոնացին, նա տէր ընտրեց իւր համար Շամպանիի իշխանին, որ իւր մտերիմ բարեկամն է, պատերազմում էր նորա հետ միասին, և նոցա միացած սուրերը նուաճեցին ամբողջ Պելոպոնէսը:

—Չէ՛, ոչ ամբողջը, պատասխանեց Արգիացին ինքնահաճոյ շեշտով, — աշխատեցէք դուրս հանել Արգոսը, նա վիլիան, Վորնթոսը և Մոնեմբազիան:

—Է՛հ, թո՛ղ այդպէս լինի, այս օրուան համար կհանամ, ծաղրում էր Լակեդեմոնացին, բայց թէ վաղը ի՞նչ կլինի — կտեսնենք:

—Բայց սա առաջին տարին չէ որ՝ դուք տեսնում էք, պարծենալով ասաց Արգիացին: — Մենք ունինք ամուր պարիսպներ. ինքը կայսրը փորձեց խորտակել նոցա, բայց չը-

կարողացաւ եւ բացի սորանից, այդ պարսպների մէջ ապրում է Առիւծ (Լեւոն) Սգուօրսը:

—Է՛հ, հարւան, պատասխանեց սպարտացին.—մենք էլ ունէինք պարիսպներ, և այդ պարսպների մէջ նոյնպէս ապրում էր Առիւծ Խամարէթը: Մենք հինգ օր պաշտպանուում էինք, բայց ինչ կարողացանք անել, թէպէտ, կարծեմ, դուք էլ լաւ գիտէք, թէ մենք ինչպէս էինք կըռուում: Քրանկները տիրել են մեր բոլոր երկրին, իսկ դուք յոյս ունիք մէնակ ազատուիլ ջրհեղեղից:

—Այո, յոյս ունինք, ասաց Արգիացին, իսկ յոյսը յաջողութեան կէսն է:

—Բայց այն երկիրները, որ նուաճել է Վիլլարդուինը, պատկանում են նորա մեծաւորի՞ն, անվստահութեամբ հարցրեց հովիւը:

—Շամպանիի իշխանը չէ մտածում մեր վերայ, նկատեց կալամատցին:—Նա կալուածներ ունի Քրանսիայում, և ասում են մինչև անգամ որ՝ նա այստեղ երբեք չի գայ:

—Դիցուք թէ այդպէս է, բայց չէ՞ որ նա կարող է մէկ ուրիշ մարդ ուղարկել այստեղ իւր տեղը, պատասխանեց արգիացին:

—Ա՛խ, դու կարծում ես որ՝ կարող է: Դէ՛, որ այդպէս է, մենք էլ կիմանանք ասել մեր ասելիքը—Վիլլարդուինը լաւ կուսակալ է, բայց մենք էլ ոչխարներ չենք, մեր վիճակը չէ կարելի տնօրինել ում խելքը ինչպէս որ կփչի:

—Արժէ՞ խօսել, ընկեր: Այս բոլոր խօսակցութիւնները չէ՞ որ ոչինչ հետեւանք չեն կարող ունենալ: Շամպալիտը մեր իշխանն է. նա կկարգադրէ այնպէս, ինչպէս Աստուած նորան միտք կտայ: Բայց, մենք կարող ենք փոքր ինչ առաջ գնալ, բաւական տեղ բացուեցաւ. Դէ՛, պարոն հովիւ, բաց ճանապարհը:

—Բայց կուսակալը այստեղից կանցնի իւր պալատականներով, հարցրեց հովիւը:

—Ի հարկէ այստեղից, պատասխանեց մեսինացին: Դէ՛, գնա՛ առաջ:

—Ինքներդ գնացէք առաջ, եթէ այդպէս ցանկանում էք, իսկ ես կսպասեմ այստեղ, պատասխանեց հովիւը:

Եւ այդ խօսքերից յետոյ նա ձեռքերը ծալեց կուրծքի վերայ, պինդ կանգնեց իւր տեղում, թողեց անցնել իւր մօտից բոլոր ամբօխը, և յետոյ մնաց նոյն դրուժեան մէջ բոլոր ժամանակ, իբրեւ մի անշարժ ժայռ, դէմ դնելով ժողովրդի նոր հոսանքներին:

2.

ՎԻԼԼԱՐԴՈՒՒՆ ԿՈՒՍԱԿԱԼԻ ՏԱՆԸ

Մինչդեռ վերը նկարագրածը կատարուում էր կրկէսի ուների մօտ,—կուսակալի պալատի մէջ նոյնպէս մեծ շարժողութիւն էր: Ասպետները, երկաթի զրահներով զարդարուած անդադար ելումուտ էին անում այնտեղ, դահլիճների մէջ լսում էր զէնքերի զրնգոց. բաժնումը հնչում էր ձիերի խրինջոցը և ախոռապահները շրջեցնում էին նոցա: Պալատի դռների մօտ խռնում էին մեծ բազմութեամբ բարոնները, որ յաղթել էին և տիրել Պելյուպոնէսին, մի քանի բնիկ իշխաններ, շատ կանայք—ֆրանսիացիներ և յոյներ: Ամենքը սպասում էին կուսակալի դուրս գալուն:

Վերջապէս՝ վարագոյրը, որ բաժանում էր դահլիճը կուսակալի սենեակից, բարձրացաւ և կուսակալը մտաւ դահլիճ:

Վիլլարդուինը միջին տարիքի մարդ էր, բայց դէմքով աւելի երիտասարդ էր երևում: Ամենից առաջ նա ողջջն տուեց կանանց, և յետոյ՝ դառնալով դէպի բոլոր հիւրերը, ժպտալով ասաց.

— Կարծեմ, ժամանակ է գնալու:

Բայց այդ իսկ ըոպէին, երբ արդէն ամենքը պատրաստուել էին դուրս գնալ դահլիճից, ծառան յայտնեց որ՝ մի հոգեւորական անձն ցանկանում է տեսնել կուսակալին:

— Թո՛ղ գայ երեկոյեան, այժմ ժամանակ չունիմ, ասաց Վիլլարդուինը:

Ծառան գնաց, բայց մի ըոպէից յետոյ վերադարձաւ յայտնելով թէ՝ քահանան անպատճառ պահանջում է տեսնութիւն:

— Ի՞նչպէս, պահանջում է տեսութիւն երբ ես բացասեցի, գոչեց Վիլլարդուինը:— Այո՛, այդ պարոնները վերջապէս կորցրին բոլոր չափը... Դոքա ցանկանում են իշխել իմ վերայ: Այդ չի լինի... Ասացէք որ՝ ես չեմ ընդունում:

— Աստուածային օրհնութիւնը թո՛ղ իջնի ձեր վերայ, լսուեցաւ ձայնը դրան մօտ:

Վարդապետը չսպասեց կուսակալի պատասխանին և ինքը ներս մտաւ:

— Ժամանակ չունիմ ձեզ հետ խօսելու, հայր սուրբ: Գնացէ՛ք, գոչեց Վիլլարդուինը զայրացած:

— Աստուածային օրհնութիւնը թո՛ղ իջնի ձեր վերայ, — կրկնեց վարդապետը չշարժուելով իւր տեղից և խորը գլուխ տալով:

Կուսակալի երեսը կնճռոտուեցաւ, բոլոր ներկայ եղողները սարսափ զգացին, նոքա լաւ գիտէին Վիլլարդուինի կատաղի բնավորութիւնը...

Բայց որպէս մեծ էր ամենքի զարմանքը, երբ Վիլլարդուինը մօտեցաւ վարդապետին և հեղուժեամբ ասաց.

— Հայր սուրբ, դուք եկել էք անյարմար ժամանակ. ես այժմ պատկանում եմ կանանց... բայց թո՛ղ երբէք ոչ ոք չասէ թէ՛ Գոդֆրիդ Վիլլարդուինը չլսեց մեր սուրբ եկեղեցու պահանջները: Ասացէք, ի՞նչ էք կամենում, միայն շուտով: Համեցէ՛ք:

Եւ կուսակալը տարաւ վարդապետին իւր սենեակը:

Այդպիսի խափանմունքը շատ հաճոյական չէր հիւրերի համար: Անցաւ մի քանի րոպէ սպասելում... վարագոյրը չէր շարժուում, և դահլիճի մէջ նորից սկսուեցան խօսակցութիւններ:

Դահլիճի մի անկիւնում նստած էր մի երիտասարդ մարդ, որ գրաւուում էր իւր վերայ բոլորի ուշադրութիւնը. սևեորակ աչքերը, խոհական դէմքը, ուռուցիկ մտածող ճակատը, արտայայտում էին երիտասարդի մէջ վաղահասուն ծանրարարոյութիւն — դա Վիլլարդուինի որդին էր — Գոդֆրիդ:

Նա խօսում էր կաթոլիկ եպիսկոպոս Բենուայի հետ, որ Պատրասի մետրապօլիտի յաջորդներից մինն էր: Պէլոպո-

նէսի նուաճողները բաժանեցին երկիրը տասը եկեղեցական առաջնորդութեան, որպէս և քաղաքական կառավարութեան կողմից տասն և երկու բարօնութեան:

Բենուան գրեթէ հասակակից էր Գողթրիդին. նոքա ուսում ստացան միասին, և ասում էին մինչև անգամ որ՝ յատկապէս այդ հանգամանքի շնորհիւ Բենուան ստացել էր իւր բարձր աստիճանը: Նա միայն նախընթաց օրը վերադարձել էր Ա. Պօլսից, ուր ուղարկել էր նորան կուսակալը կրօնական գործերով: Եպիսկոպոսը ոգևորուած պատմում էր իւր ընկերին (Գողթրիդին) մայրաքաղաքի հոյակապութեան մասին. մանաւանդ նա ոգևորուում էր, գուցէ աւելի քան թէ վայել էր մի հոգևորականին, կայսերական պալատի շքեղութեամբ, պալատական ասպետների փայլով և կանանց գեղեցկութեամբ, որք կազմում էին պալատի զարդը:

— Է՛հ, սրբազան հայր, ասաց Գողթրիդը ժպտալով, ձեր ոգևորութեան միւս բոլոր առարկաները դեռ ևս փոքր ՚ի շատէ տանելի են. բայց ինչ որ վերաբերում է վերջինին, եթէ ես լինէի Պատրասի արքեպիսկոպոսի տեղը, ես կարգից կզօկէի ձեզ:

— Եւ կլինէիք շատ անշնորհակալ մարդ, սիրելիս:

— Անշնորհակալ: Բայց ի՞նչու:

— Որովհետեւ երբ ես շլացած աչքերով նայում էի կայսերական երկնակամարի բոլոր այդ ստղերի վերայ, ամենից աւելի մտածում էի ձեր մասին:

— Ի՞մ մասին: Զարմանում եմ ձեր իսկ և իսկ բրիտտոնէական անձնուիրութեան: Բայց չէ՞ կարելի արդեօք իմանալ թէ ի՞նչպէս էր այդ:

— Այդ գեղեցիկ երկնակամարի վերայ մի աստղ էր փայլում ինչպէս արեգակ—մատաղահաս օրիորդ, և մտքիս մէջ նորան նշանակեցի ձեզ համար:

— Ա՛խ, ահա՛ ուրեմն յորպիսի ծանր գործերով էք զբաղուած եղել դուք Ա. Պօլսում: Դուք կամենում էիք ինձ պսակել բռնադատութեամբ, առանց իմ գիտութեան:

— Բայց, ի՞նչու և այդպէս չլինէր, պատասխանեց եպիսկոպոսը կէս մի հանաք—կէս մի շիտակ:—Կարծեմ որ՝ դուք տեղիք չէիք ունենայ գանգատուելու, եթէ ասեմ ձեզ որ՝ այն օրիորդը, որը ես կցանկանայի առաջարկել ձեզ

կնութեան, մի ամենաչքնաղ էակ է, որպիսին Աստուած հաճել է ուղարկել երբ և իցէ մահկանացուների երջանկութեան համար, ամենակատարելագոյնն է այն բոլոր կանանցից, որք երբ և իցէ զարդարել են մի թագաւորի պալատը:

— Սրբազան հայր, ասաց Գօղթորիդը, ձեր յափշտակութիւնը, բացի նսրանից որ՝ փոքր ինչ սատանայական գայթակղութիւն ունի, անարդար է կացուցանում ձեզ դէպի ուրիշ թագաւորների պալատները: Նայեցէք ահա՛ այն օրիորդի վերայ, որ նստած է մօրս կշտին: Ավստահանա՞մք արդեօք և այժմ ասել որ՝ ձեր չքնաղ բիւզանդացուհին գորանից աւելի գեղեցիկ է:

— Ո՛հ, ո՞վ է դա, հարցրեց եպիսկոպոսը, առաջին անգամ միայն ուշադրութիւն դարձնելով դահլիճի այն կողմի վերայ:

— Այժմ յիրաւի տեսնում եմ որ՝ դուք այս երկրից չէք, ծիծաղելով ասաց Գօղթորիդը. — մի՞թէ դուք չէք ծանաչում Աննային, Ելլադայի իշխանի աղջկան:

— Ա՛խ, դա՛ է ուրեմն Աննան, ասաց եպիսկոպոսը: — Իսկ այն երիտասարդ մարդը, որ այնպէս համարձակ խօսում է նորա հետ, ո՞վ է նա:

— Նա Գօտիէ ասպետն է, որ եկել է մեզ մօտ Աթէնքից: Ես կարծում եմ որ՝ Օտօնը ուղարկել է նորան այստեղ յատուկ նպատակով — խնդրել Աննայի ձեռքը իւր եղբորորդի և ժառանգ Գիւրիի համար: Բայց ինչ թւում է թէ՛ վատ դեպքան է ընտրել իւր եղբորորդու շահերի վերաբերմամբ:

— Դա՛ է ուրեմն Թէոդորի աղջիկը: Ա. Պօլսում ես շատ բան լսեցի դրա հօր բաջութեան մասին, և աւելի շատ աղջկայ գեղեցկութեան մասին: Բայց իրականութիւնը գերազանցում է բոլոր նկարագրութիւններին: Սակայն, այնուամենայնիւ ես շարունակում եմ պնդել և հաստատ մնալ իմ ընտրութեան վերայ: Եթէ նա, որին ես որոշել եմ ձեզ համար, այդչափ գեղեցիկ չէ, բայց աւելի բարձր է իւր ծագումով և աւելի մօտ է կայսերական գահին:

— Բայց, ո՞վ է այդ փիւնիկը, հարցրեց Գօղթորիդը:

— Ոչ այլ որ է, սիրելիս, եթէ ոչ Ագնէս դուրստենէն:

— Կայսեր քողաղջիկը:

— Այո՛, նորա Յօլանդա քող աղջիկը:

— Բայց, արդեօք, Հենրիկոս կայսրը ունի՞ զաւակներ, հարցրեց Գոդֆրիդը, թողնելով արդէն հանաքը:

— Ո՛չ, պատասխանեց եպիսկոպոսը. նորա մահից յետոյ գահը կանցնի Պետրոս դը-Վուրտէնէի ձեռքը. Ագնէսի հօր և նորա մօր, խելացի Յօլանդայի ձեռքը, որը այժմ էլ արդէն կառավարում է կայսրին իւր ձեռքում:

— Եթէ նա այդպէս մօտ է գահին, ասաց Գոդֆրիդը, անշուշտ կան ուրեմն արդէն շատ պտուղներ նորա ձեռքի:

— Բայց և ես չեմ ասում ձեզ թէ՛ առաջարկում եմ հեշտ յաղթութիւն. կան մինչև անգամ թագակիր...

Երիտասարդը բռնեց իւր խօսակցի ձեռքը և աչքերով ցոյց տուեց մի ծերունու վերայ, որ մօտենում էր դէպի նոցա ծանր քայլերով: Ծերունին հագած ունէր հիանալի շորեր. նա կարճահասակ էր, սպիտակ մօրուքով, և խիտ յօնքերի տակից նետում էր շատ կենդանի և թափանցելի հայեացքներ:

— Զգուշացէ՛ք, ասաց Գոդֆրիդը. — Պետրալիֆասի ականջը սուր է, իսկ մեզ ամենևին հարկաւոր չէ որ՝ նա լսէ մեր խօսակցութիւնը այդպիսի առարկայի մասին:

Պետրալիֆասը մօտեցաւ եպիսկոպոսին, ողջունեց նորան և հարցրեց — հանգստացե՛լ է նա արդեօք իւր ճանապարհորդութիւնից յետոյ:

— Ճանապարհորդութիւնից յետոյ մարդս շատ շուտով է հանգստանում բարեկամի յարկի տակ, պատասխանեց եպիսկոպոսը:

— Բայց սա դեռ ևս չէ հանգստացել իւր տպաւորութիւններից, ասաց Գոդֆրիդը. — նորին սրբազնութիւնը անդադար պատմում է ոգևորութեամբ կայսերական պալատի շքեղութեան մասին:

— Նորին պայծառափայլութիւնը կարող է ասել ձեզ — իրաւունք ունիմ ես թէ ոչ, պատասխանեց եպիսկոպոսը: Նա այն էլ էր ասում որ՝ Կ. Պօլսը — բաղաճների թագաւորն է. նորա առաջև մեր Փարիզը — խրճիթների մի կոյտ է և միգամած ցեխի մէջ թաղուած:

— Կարծեմ, ինձ կարելի է անաչառ և անկողմնապահ

համարել, պատասխանեց Պետրալիֆասը. — բայց ես կասեմ որ եթէ երբեկոց հարց կբարձրանայ համաշխարհային մայրաքաղաքի մասին, միայն դ. Պօլիսը կարող է յայտնել իւր իրաւունքը:

— Ինչպէս կցանկանայի տեսնել այդ հռչակաւոր բաղաբը, գոչեց Գոդֆրիդը:

— Ձերդ բարձրութիւնը պէտք է անպատճառ գնայ դ. Պօլիս, ասաց եպիսկոպոսը: Աչնանը կանուխ գնում են այնտեղ կայսերական նաւերը, որք ձմեռում են այստեղ Պելոպոնէսում. ձեզ շատ յարմար կլինի գնալ նոցա հետ:

— Այդ բանի մէջ ես չեմ կարող ձայնակից լինել ձերդ սրբազնութեան կարծիքին, ասաց Պետրալիֆասը: — Նորին բարձրութիւնը արդէն խոստացել է գարնանը գնալ մեզ հետ Ելլադա: Ի հարկէ Արտան դ. Պօլիս չէ, բայց այնտեղ ապրում է մի բարի հարեան, որ բաց գրկով կընդունէ մեծ Վիլարդուինի որդուն:

— Ես շատ ցանկանում եմ ծանօթանալ Ելլադայի իշխանի հետ, ասաց Գոդֆրիդը: — Ամեն տեղ գովաբանում են նորա խելքը և քաջութիւնը:

— Եւ դուք տեսնում էք թէ որչափ փափագում է իմ փեսան ամրագնդել իւր բարեկամութիւնը ձեր երեւելի հօր հետ, ասաց ծերունին: — Նա ինքը չկարողացաւ գալ այստեղ, բայց թոյլ տուեց իւր աղջկան ուղեկցել ինձ որ նա լինի այստեղ իբրեւ նորա ներկայացուցիչ: Նա անպատճառ կամենում էր ուղարկել մի դեսպան, որը հաճելի լինէր այստեղ:

— Սովորաբար, քաղաքավարութեամբ պատասխանեց Գոդֆրիդը, ամենամեծ քաջութեան կշտին ծաղկում է ամենաչքնաղ գեղեցկութիւն:

Այդ նկատողութիւնների առարկան — Աննան նստած էր դահլիճի միւս կողմում, կուսակալի կնոջ՝ Ջապէլի մօտ, բարձրների և երեւելի տիկիւնների մէջ և գերազանցում էր նոցա ամենքին գեղեցկութեամբ և նազելութեամբ: Նա բոլորովին արժանի էր այն զարմանքին և այն պատուին ու յարգանքին, որով շրջապատում էին նորան:

Նա հազած ունէր կապտագոյն շորեր արծաթի աստղիկներով զարդարած. վզի վերայ ադամանդեայ մանեակ. նոյնպիսի ադամանդեայ մի թագ զարդարում էր նորա սև հա-

րուստ մաղերը: Աննայի ամեն մի շարժուածքը ներդաշնակ էր, ամեն մի հայեացքը — անուշ ժպիտ:

Աննայի մօտ կանգնած էր Գօտիէն — երիտասարդ, գեղեցկադէմ, շիկադանգուր ասպետ, ժիր և ուրախ: Նա խօսում էր օրիորդի հետ, կրթնելով նորա աթոռի մէջքին: Երբ Աննային հարկաւոր էր պատասխան տալ, նա սակաւ ինչ թեքում էր իւր սագանման վիզը:

— Ես ճանաչում եմ մի մարդ, ասում էր Գօտիէն, որ շատ կախոսայ որ՝ ինքը չկարողացաւ այստեղ լինել այս հանդիսաւոր օրը:

— Մի՞թէ, հարցրեց Աննան:

— Ո՛հ, որպիսի արհամարհանք է հնչում այդ բառի մէջ — մի՞թէ: Կարո՞ղ եմ վստահանալ և հարցնել թէ՛ ինչո՞ւ է այդպէս:

— Պատճառը շատ պարզ է, պատասխանեց Աննան. — գուցէ դուք ճանաչում էք այդ մէկ մարդուն, բայց ես նորան չեմ ճանաչում:

— Բայց, եթէ ես ձեզ ասէի որ՝ այդ մէկ մարդը — Գիւլի-դը-Նա-Ռօշն է.

— Ես կրկրկնէի միւսնոյնը — ես նորան չեմ ճանաչում:

— Զգում եմ, պատասխանեց Գօտիէն, որ իմ դեսպանութեան նպատակը չպիտի յաջողուի, և իմ տէրը ուղարկելով ինձ այստեղ՝ սխալուել է իւր ընտրութեան մէջ:

— Դուք ա՞յդպէս էք կարծում, ժպտալով հարցրեց Թէոդորի աղջիկը: Բայց չգիտեմ թէ՛ ի՞նչն է ստիպում ձեզ գալ այդպիսի եզրակացութեան: Յամենայն դէպս, եթէ կը հարկաւորի իմ վկայութիւնը, ես կվկայեմ որ՝ ձեզ պակաս չէր եռանդ, որպէս և ճարտարաբանութիւն: Եթէ ես խնդրէի ձեզանից նկարագրել ինձ նորան, ով որ ձեզ ուղարկել է, հաւատացած եմ որ՝ կասէիք ինձ թէ՛ նա բոլոր խաչակիրներից ամենաքաջն է, և թէ չկայ երկնքումը այնպիսի հրեշտակ, որ նորանից անելի սիրուն լինէր:

— Ո՛չ, չնայելով իմ բոլոր եռանդին և հաւատարմութեան, ես չէի դիմի այդպիսի չափազանցութեան, ծիծաղելով պատասխանեց Գօտիէն: — Ես հմուտ չեմ գնահատել տղամարդոց գեղեցկութիւնը. գիտեմ միայն որ՝ Գիւլին ոչ կոյր է և ոչ կաղ: Իսկ ինչ վերաբերում է նորա քաջու-

Թեան, ես չեմ ներկայացնի նորան ոչ իբրև հսկայ և ոչ իբրև մարդակեր: Բայց նա ասպետ է, որ ճանաչում է իւր պարտաւորութիւնները և որ երբեք չէ արեւ որ և իցէ անպատիւ կամ անարգ գործ:

— Դուք, յիրաւի, մեծ առաքինութիւններ էք յատկացնում նորան: Կարող էք ասել նորան որ՝ ամեն մէկ համեստ ասպետ ունի այդպիսի առաքինութիւններ:

— Անկասկած. բայց Գիւին — Աթէնքի իշխանի եղբորորդին է, իսկ այդ արժանաւորութիւնը չունի ամեն մարդ: Ես կարծում եմ որ այս հանգամանքը աննշան չէ:

— Մի՞թէ, պատասխանեց առաջուան պէս Աննան:

— Բախտաւոր է Գիւին որ՝ այստեղ չէ:

— Ի՞նչու, հարցրեց օրիորդը:

— Որովհետեւ ես գիտեմ աչեր... երբ նոքա նայում են բարեհաճութեամբ, — գարունք են վերադարձնում երկրին, թափում են ծաղիկներ, բացում են երկինքը և բերում են գերերկրային երջանկութիւն: Բայց երբ այդ աչերը նայում են անտարբերութեամբ — նոքա փչում են ձմեռ և ցուրտ, յիշեցնում են դժուրքը և նորա մոայլ բնականները: Ես գիտեմ շրթունքներ... երբ նոքա ժպտում են, — յարուցանում են մեռելներ. բայց երբ այդ շրթունքներից դուրս է թռչում նզոված մի՞թէ՛ն. — նոքա մեռցնում են կենդանիներին:

— Բայց, որչափ շատ բաներ էք իմացել դուք, որի մասին ես հասկացողութիւն անգամ չունիմ, ասաց Աննան:

— Ուրեմն, չգիտէ՞ք դուք արդեօք և չէ՞ք կարող ասել ինձ թէ՛ ո՞վ կլինի յաղթողը այսօրուան մենամարտութեան մէջ:

— Եթէ հարց լինէր թէ՛ ո՞վ պիտի ստանայ մրցանակը գեղեցկութեան համար և ես դատաւոր լինէի — չէի դժուանայ տալ պատասխանս:

— Շատ սիրուն, ասաց Աննան: — Բայց բանը այնտեղ է որ՝ հարցը վերաբերում է քաջութեան մրցանակին և ես պէտք է յանձնեմ յաղթողին այդ մրցանակը: Ուրեմն, դուք ինչ կասէք,

— Չունիմ նախագուշակութեան ձիրք. բոլորը, ինչ որ կարող եմ ասել, այն է որ ես ինքս կցանկանայի յաղթող հանդիսանալ: Եւ ասեմ ձեզ թէ՛ ինչո՞ւ:

—Ո՛չ, այլ լաւ է ասացէք թէ՛ ի՛նչ կանէիք ստացած մրցանակը:

—Առանց երկբայութեան, պատասխանեց Գոտիէն պաշտօնական ձայնով, ես պարտաւոր կլինէի տանել այն իմ իշխանին և տիրոջ — Գիւրի դը-Լա-Ռօշին:

—Ո՛հ, միշտ այդ Գիւրին, գոչեց, գրեթէ անհամբերութեամբ, օրիորդը: — Դուք այնպէս կանէք որ՝ կստիպէք ինձ ատել նորան:

Այդ միջոցին կարգադիրը յայտնեց որ՝ մենամարտութեան մասնակցող ասպետներին ժամանակ է գնալ կրկէսը և պատրաստ լինել:

Երբ Գոտիէն բարե մնա՛ էր ասում Աննային, նա ասաց.

—Ով ցանկանում է ստանալ յաղթութեան պսակը: պիտի նորան արժանանայ ինքը... իսկ ով այն ստանում է, — չէ տալի ուրիշին...

Այդ խօսքերը վերջացան հրաշալի և զմայլելի ժպիտով: Յետոյ Աննան դարձրեց երեսը դէպի միւս կողմը, և Գոտիէն դուրս գնաց կծոտելով շրթունքները:

Դահլիճի միւս ծայրում, որ կողմը դարձրեց այժմ Աննան իւր երեսը, յանկարծ տեսաւ երկու սևորակ, բոցացայտ աչեր, որ նայում էին նորա վերայ: Այնտեղ կանգնած էր, թիկն տուած պատուհանին, մի անզէնք երիտասարդ պարզ վերարկուով. նորա պատկերանման գեղեցիկ և վայելչակազմ կազմուածքի մէջ ցոլում էր մի տեսակ վեհութիւն, բայց գլուխը կորացած էր կուրծքի վերայ: Սև գանգուրները շրջանակում էին գունատ երեսը. կիսաբաց շըրթունքի վերայ խաղում էր դառն ծաղր:

Իսկ առիւծ (Լեոն) Խամարէթն էր, լակեգեմոնացին, որի մասին եղած խօսակցութիւնը մենք լսեցինք կրկէսի մօտ:

Վառելով սպարտացիների մէջ հին բաջութեան վերջին կայծը, Խամարէթը յոյս ունէր ընդդիմանալ Փրանկների արշաւանքին և մեծ բաջութեամբ դիմադրեց հինգօրեայ պաշարմունքին: Բայց այնուամենայնիւ Սպարտան ընկաւ յաւիտեան և առիւծ Խամարէթի թուրը փշրուեցաւ ասպետների երկաթի զրահի վերայ: Վիլլարդուինը և՛ Սպարտայի վերաբերմամբ գործ դրեց նոյն խոհեմ բաղաբականութիւնը, որ գործ էր ածում բոլոր նուաճած երկիրների վերաբերմամբ:

նա թողեց քաղաքացիների ձեռքին իւրեանց արտօնութիւնների մեծագոյն մասը:

Այն ժամանակից ի վեր, երբ Պետրալիֆասը հիւր էր նորա մօտ, Վիլլարդուինը, կամենալով հաճոյանալ ծերունուն, բոլոր հանդիսաւոր դէպքերում, որպիսին էր և ներկան, հրաւիրում էր քաղաքի նշանաւոր մարդկանց: Ի հարկէ նոցա թւում պէտք է անպատճառ լինէր և Խամարէթը, ոչ միայն այն պատճառով որ՝ նա համարւում էր իբրեւ լակեդեմոնի ամենաերեւելի մարդիկներից մէկը, այլ և այն պատճառով որ՝ ծառայելով երբեմն Ելլադայի իշխանի մօտ իբրեւ պալատական, Խամարէթը ծանօթացել էր այնտեղ Պետրալիֆասի հետ, որը ցոյց էր տալիս նորան մեծ յարգանք և մտերմութիւն:

Երբ Աննան տեսաւ երիտասարդին պատուհանի մօտ, նա խոնարհեցրեց իւր աչքերը նորա տխուր, թափանցող հայեացքի առջև և գլուխ տուեց Խամարէթին մի տեսակ շիտթութեամբ:

Խամարէթը մօտեցաւ նորան:

— Դուք այստեղ ներկայ էք իբրեւ պարզ հանդիսատե՞ս, պարոն Խամարէթ, — հարցրեց օրիորդը:

— Եւ այդքանը արդէն մեծ շնորհք է ստրուկների համար, պատասխանեց նա դառնութեամբ: — Երբ մեր տիրապետողները թոյլ են տալի մեզ երեւալ իւրեանց աչքին, — միթէ շատ շնորհակալ չպիտի լինինք:

— Ի զուր էք այդպէս խօսում, ասաց Աննան: — Եթէ դուք դուրս գաք կրկէսը, ոչ ոք իրաւունք չունի, — և ես հաւատացած եմ որ՝ ոչ ոք և չի ցանկայ արգիլել ձեզ մասնակից լինել մենամարտութեան:

— Իրաւունք, — այժմ իրաւունքը գրւում է նիզակի սուր ծայրով... Իսկ մեր նիզակը կոտորո՞ւած է: Իսկ ինչ կվերաբերուի ցանկութեան, կայ գոնէ մէկը, որ ինձ կարգիլի:

— Կայ մէկը, ո՛ւմն է արդեօք այդ:

— Իմ սեփական. այդպիսի տեսարանները և հանդէսները զզուելի են ինձ:

— Ազգասիրական նախապաշարմունք, ասաց Աննան: — Խոստովանեցէք որ՝ այդ նախապաշարմունքը այնքան էլ անաչառ չէ:

—Այնքան էլ անաչառ չէ, մի տեսակ դառնութեամբ գոչեց Առիւծը:

—Դուք չէք սիրում այդ մենամարտութիւնները, ուր ասպետների գերազանցութիւնը անվիճելի է: Նոքա մանկութիւնից սովոր են զէնք գործածել և այդ արհեստի մէջ նոքա չունին հակառակորդ: Մեր հայրենակիցները չեն կարող մարտնչել նոցա հետ...

—Դուք շատ կողմնապահ չէք դէպի ձեր հայրենակիցները, ասաց Խամարէթը, կարմիր կտրած:—Բայց ի հարկէ, դուք բոլորովին իրաւացի էք: Յաղթուածները արժանի չեն որ՝ այլապէս դատէին նոցա մասին:

—Ես չեմ դատում և առաւել ևս չեմ դատապարտում մեր ազգը: Եթէ ֆրանկներին վիճակուել է քաջութիւնը, — մենք դուրս փոխանակ ունինք ուրիշ արժանաւորութիւններ: Բայց, համաձայնութեք որ — քաջութիւն տեսնելով՝ շարժւում է սիրտը, վառւում է երեակայութիւնը... Ի՞նչ կարող է այդ ասպետներից աւելի փայլուն լինել, երբ նոքա ճակատը բարձր բռնած, աներկիւղ և աննախատելի հոգով, մենամարտութեան են կանչում ամբողջ աշխարհքը, հպարտութեամբ յայտնում են որ՝ ոչնչից և ոչ ոքից չեն վախնում, չեն նահանջում ոչինչ բանի առջև, և նիզակներով ապացուցանում են իւրեանց խօսքերի ճշմարտութիւնը: Մի՞թէ նոցա չեն վիճակւում տղամարդերի գովասանութիւնները, կանանց ծափահարութիւնները: Մի՞թէ նոցա չէ՞ վիճակուած իշխել տիեզերքին...

—Իսկ մեզ վիճակուած է լինել նոցա ստրուկների, գոչեց Խամարէթը, դեղնելով:—Ո՛հ Աննա, ինչո՞ւ ես չընկայ Լակեդեմոնի պարիսպների վերայ:

Աննան ժամանակ չունեցաւ պատասխանելու: Դահլիճի մէջ սկսուեցաւ շարժողութիւն. վարագոյրը որի վերայ դարձրած էին գրեթէ բոլոր հայեացքները, շարժուեցաւ, և շուտով կուսակալն և վարդապետը երևեցան դահլիճի մէջ:

Դուրս գալով սենեակից, Վիլյարդուինը ասաց վարդապետին գրգռուած ձայնով:

—Գնացէ՛ք, հայր սուրբ, ասացէ՛ք ձեր մեծաւորին որ՝ եկեղեցու շահերը չեն հերետիկոսների և անուղղափառների

ձեռքում: Ես ժողով կգումարեմ եպիսկոպոսներից. նոքա կվերջացնեն մեր միջի դատը: Գնացէ՛ք խաղաղութեամբ:

Աբեղան խոնարհութեամբ գլուխ տուեց և դուրս գընաց դահլիճից, չհամարձակուելով այլևս մի բառ արտասանել: Վիլլարդուէնը մօտեցաւ Պետրալիֆասին, որ տակաւին խօսում էր երիտասարդ Գոռֆրիդի և Օլէնի եպիսկոպոսի հետ:

— Այս աբեղաները, ասաց կուսակալը, բոլորովին անտանելի են դառնում իւրեանց պահանջներով: Ես տուի նոցա ամենալաւ կալուածքներ, իսկ երբ խնդրում եմ նոցանից չնչին կոպէկներ ընդհանուր գործի պաշտպանութեան համար, նոքա ուղարկում են ինձ մօտ դեսպաններ, որոնք ըստ պառնում են Վատիկանի ամպրոպներով և նղովքներով: Մի՞թէ ես իրաւացի չեմ հարկ պահանջելով վանքերից, աւելացրեց Վիլլարդուէնը դառնալով դէպի Պետրալիֆասը:

— Տո՛ւք զկայսերն կայսեր, պատասխանեց խորամանկ ծերունին փորձառու պալատականի ժպիտով և գլուխ տալով:

— Ես ժողով կգումարեմ եպիսկոպոսներից, ասաց Վիլլարդուէնը:— Բայց տիկիները և ասպետները սպասում են անհամբեր: Ժամանակ է գնալու:

Եւ մտնելով Պետրալիֆասի թւի տակ, Վիլլարդուէնը առաջինը դուրս գնաց դահլիճից: Նորան հետևեց բոլոր հասարակութիւնը:

3

ԽՕՍԱԿՑՈՒԹԻՒՆ

Եթէ այն ժամանակի քաղաքական շահերը պահանջում էին որ՝ սենեակի վարագոյրը իջեցրած լինէր Գոռֆրիդի և աբեղայի խօսակցութեան միջոցին, — մեզ համար այդպիսի գաղտնիքը յամենայն դէպս չունի նշանակութիւն: Ընդհակառակն՝ մեր վիպասանութեան ընթացքի պարզութեան հասար և Վիլլարդուէնի բնաւորութիւնը գնահատելու համար մեզ հարկաւոր է լսել երկու խօսակիցների խօսակցութիւնը:

Այսպէս ուրեմն՝ մինչդեռ աղնիւ հասարակութիւնը փողերի ձայներով գնում է կրկէս, — ետ դառնանք փոքր ինչ և լսենք թէ ի՞նչ էր խօսւում այդ ոսկեհոն վարագուրի ետեւից, որի վերայ Պետրալիֆասը ձգում էր գաղտուկ այնքան զննող հայեացքներ:

Երբ Վիլլարդուինը ներս տարաւ վարդապետին իւր սենեակը և վարագոյրը իջաւ, այցելուն ընկաւ թախտի վերայ և մեկնուեցաւ ծանր շունչ առնելով:

— Ո՛հ, ահա՛ մի ճանապարհորդութիւն: Աբեղայական հագուստը լաւ է միայն հոգին փրկելու համար, բայց ման գալ դորանով Մեսսարէի (այդպէս էր կոչւում այն ժամանակ Արկադիան) սարերի վերայ ամենէին յարմար չէ: Ես պատրաստ էի արդէն մի քանի անգամ ձգել սորան եղիճի մէջ, ու լաւ կ'համարէի շրջել ոտից մինչև գլուխը զինաւորուած:

— Եթէ դու կարողացար շունչ առնել, սիրելի Մատիօ, ասաց Վիլլարդուինը, — ասա՛ շուտով, ինչո՞ւ ես եկել այստեղ և ի՞նչ է նշանակում այդ շորափոխութիւնը: Ի՞նչ կ'ասես:

— Ես հաւատացած եմ որ՝ դուք նախագուշակում էք, պատասխանեց Մատիօ դը-Մօնսը:

— Կոմս դը-Շամպլիտը հրաժարվում է յօգուտ իմ իւր աւատական իրաւունքներից Պելուպոնէսի վերայ:

— Դուք ուղիղ գուշակեցիք առաջին կէտը, բայց ոչ երկրորդը:

— Ի՞նչ, ի՞նչ, ի՞նչ ես կ'ամենում ասել:

— Ես ասում եմ որ՝ կոմս դը-Շամպլիտը յիշաւ հրաժարւում է իւր իրաւունքներից Պելուպոնէսի վերայ, բայց միայն ո՛չ յօգուտ ձերդ պայծառափայլութեան:

— Ա՛խ, ապա ուրեմն յօգուտ ո՞ւմ:

— Յօգուտ իւր եղբորորդուն — Ռօբէր դը-Շամպլիտին:

— Մի՛թէ, դու հաւատացած ես:

— Եթէ հաւատացած չլինէի, չէի շտապի գալ այստեղ ոտով Շամպանիից, այն ևս այսպիսի բուրձով:

— Ահա՛ որպիսի շնորհակալութիւն, գոչեց Վիլլարդուինը: Ես նուաճեցի նորա համար Պելուպոնէսը, բաղաք բաղաքից յետոյ, և չնայելով որ՝ կարող էի ինձ վերապահել նորան

իբրև իմ սրի սեպհականութիւնը, իբրև արեան գնով գնած կալուածք, — ես բարեկամաբար և անձնուիրաբար դարձայ Շամպլիտի ստորագրեալ։ Այժմ նա ուրիշին է տալի իմ նուաճմունքների պտուղները. նա կամենում է որ՝ ես խոնարհեցնեմ ալեգարդ գլուխս ամեն մի երիտասարդի առաջը, այն պատճառով միայն որ՝ այդ երիտասարդը կրում է դը-Շամպլիտի անունը։ Ո՛չ, այս զառամեայ գլուխս վաստակել է, կարծեմ, արդէն իրաւունք խոնարհիլ միայն թագաւորի առաջը, և աւելի ոչ որի առաջը։ Ահա ուրեմն նոր լուր, որ դու բերել ես ինձ, ենթարկուելով այդպիսի վտանգներին և նեղութիւններին։

— Ի հարկէ։ Բայց միթէ դուք կարծում էք որ՝ այդ լուրը չարժէր դորան։

— Եւ դու պարգև ես սպասում դրա համար։

— Գոնէ, եթէ ձեզանից պարգև ստանամ, պատասխանեց գը-Մօնսը, — կարող էք հաւատացած լինիլ որ՝ դա գողացուած չի լինիլ։

— Խորհուրդ եմ տալի բեզ, սիրելիս, սպասել մեծ պարոն Ռորէրին, Պելոպոնէսի իշխանին։ Նա կտայ ձեզ պարգևը։

Մատիօ դը-Մօնսը վերցրեց սեղանից բիւրեղեայ շիշը, լցրեց մի բաժակ գինի և ծանր խմելով ասաց.

— Ուրեմն, կեցցէ՛ Պելոպոնէսեան Ռորէրը։ Այժմ կասեմ նոյնպէս, որպէս և ձերդ պայծառափայլութիւնը — ահա՛ որպիսի շնորհակալութիւն։ Ես թռչունի թռիչքի արագութեամբ անցնում եմ գրեթէ աշխարհի կէսը, դառնում եմ նաւաստի որ՝ ծառայեմ ձեզ, հագնում եմ — թող Աստուած ներէ ինձ — եկեղեցու պաշտօնեայի հանդերձը, այդ օրհնած հանդերձով ենթարկում եմ վտանգին ջրվէժ (աղբիւր) դառնալ, ինչպէս Մովսէսի ժայռը, — և փոխանակ զարմանալու իմ ճարպիկութեան և վարպետութեան վերայ, ձերդ պայծառափայլութիւնը բարեհաճում էք ծաղրել ինձ։

— Չնայելով բոլոր ցանկութեանս, ինձ շատ դժուար է, սիրելիս, զարմանալ ձեր ճարպիկութեան վերայ։

— Ինչո՞ւ այդպէս դժուար է։

— Այն պատճառով, սիրելիս, որ՝ երբ Կոմս դը-Շամպլիտը գնում էր Պելոպոնէսից, դուք գնացիք նորա հետ

իջ թէ նորա համար որ՝ վերադառնայիք աւետել ինձ ժառանգ նշանակելու մասին, այլ այդ նշանակելը խափանելու համար:

Երբ կ'ոմս դը-Շամպլիտը գնում էր պոստեղից, նա խոստացաւ ձեզ որ՝ եթէ մի տարի և մի օրից յետոյ նա ինքը չի վերադառնայ և չի ուղարկի մի ուրիշին իւր փոխանակ, իշխանութիւնը Պելրոպոնէսի վերայ կը պատկանի ձեզ: Ձերդ պայծառափայլութիւն, հօ չէք մոռացել այդ խօսքերը,

— Շատ լաւ յիշում եմ, անհամբերութեամբ պատասխանեց Վիլլարդուինը: — Նոյնպէս յիշում եմ որ՝ դուք գնացիք Շամպլիի ետեւից այն խորհրդով որ՝ ոչ միայն խափանէիք նորա վերադարձը, այլև ուրիշի ուղարկելը այստեղ: Լաւ չէ՞ յիշողութիւնս:

— Հիանալի է: Բայց լա՛ւ էք յիշում նոյնպէս թէ ե՞րբ գնաց պոստեղից Շամպլիտը:

— Յոյս ունիմ, պատասխանեց կուսակալը ժպտալով: — Եթէ չեմ սխալուում— մարտի տասներկուսին:

— Իսկ այսօր:

— Այսօր սեպտեմբերի երեսունն է: Բայց ի՞նչ է դորանից հետևում:

— Երեսունն է, այո՛: Եւ ձերդ պայծառափայլութիւնը կարծում է որ՝ Պելրոպոնէսի գաթան այնքան անհամ է որ՝ թողնում են նորան պաղել ամբողջ եօթը ամիս և ոչ ոք չէ՞ ցանկանում տեսնել նորա համը: Եթէ իմ ճարպիկութիւնը չլինէր, որը դուք չէք ընդունում, վաղուց արդէն Պելրոպոնէսը կ'ստանար հէր նոր իշխանին:

— Մի՞թէ Շամպլիտը այդպէս շտապում էր, գոչեց Վիլլարդուինը: Ի՞նչ, նա վախենո՞ւմ էր որ՝ ես Մօրէն կ'գնէի գրպանիս մէջ:

Մատիօ դը-Մօնսը ըմպելով էլի մի բաժակ թշշան գինուց, որ պատրաստած էր Շամպլիտի համը, սկսեց իւր պատմութիւնը:

— Դեռ նոր էինք հասել այն երկիրը, որը տալիս է մեզ այս հիանալի գինին, երբ մի բանի նշաններ արդէն սկսեցին անհանգստացնել ինձ: Եղբորորդու չափազանց յարգանքը և ուշադրութիւնը դէպի հօրեղբայրը և հօրեղբոր չափազանց գգուանքը դէպի եղբորորդին, կասկածելի թուեցան ինձ:

Աերջապէս մի անգամ ես լսեցի ինչպէս Շամպլիտը հարցնում էր Ռօբէրթից թէ՛ տեսնե՞լ է նա երբ և իցէ թարմ թուզի համբ: Այդտեղ ես հասկացայ որ՝ վտանգը մօտ է և համուցեցի կոմսին ամենից առաջ գնալ Փարիզ և ներկայանալ թագաւորին, իւր աւատական իշխանին:

Այդպիսով անցել էր երկու ամիս մարտի տասներկուսից յետոյ. մի ամիսն էլ անցաւ պատրաստութիւնների մէջ: Ռօբէրը կամենում էր ուղեկցել իւր հօրեղբօրը, բայց ես, գովաբանելով երիտասարդի արժանաւորութիւնները, առաջարկեցի հօրեղբօրը թողնել նորան իւր փոխանորդ իբրեւ ժամանակաւոր կառավարիչ Շամպանիի: Փարիզում գործերս գնացին աւելի լաւ. այնտեղ ինձ օգնում էին պալատի գայթակղութիւնները և կոմսի սէրը դէպի զբօսանքները: Օրերն անցնում էին բախտաւոր արագութեամբ: Բայց մի անգամ նկատեցի որ՝ կոմսը յօրանջեց: Աւտ նշան. ուրեմն նա սկսել է ձանձրանալ. չիցէ թէ յանկարծ յիշէ գործերը և ի միջի այլոց Պեղոպոնէսի գործերը, մանաւանդ որ՝ եղբօրորդու բարեկամական գրութիւնները հասնում էին ամէն օր:

Պէտք էր գործ դնել ազգու դեղ: Փիլիպպոս Օգոստոս թագաւորի պալատականների մէջ կար մի կապուտաչեայ գեղեցկուհի. նորան յանձնեցի բժշկել կոմսին: — Բժշկութիւնը յաջողեցաւ. կոմսը դադարեց յօրանջել, իսկ ես դարեցի անհանգստանալուց:

— Մինչև այժմ ես բեղ նոյնն եմ տեսնում, ինչպէս ճանաչել եմ, առաց Աիլլարդուինը: Յետոյ:

— Յետոյ: — Երբ ես բոլորովին հաւատացած էի թէ նաւը գնում է յաջողակ հողմով, յանկարծ տեսայ որ՝ նա թերուեցաւ: Այս ի՞նչ է, մտածում եմ, ռիտեղից է փչում քամին. ո՞ր կողմիցն է խուժքը: Առաջ մակերեւոյթի վերայ ոչինչ չէր երևում: Աերջապէս ինձ յաջողեցաւ գտնել խութքը պալատի ծառայանոցների խորքերում, դա երևեցաւ մի օտարականի կերպարանքով — յոյնի Արապից, որ կոչւում էր, որպէս ինձ ասացին, Յօհան Նօնն: Ոմանք համարում էին նորան իբրեւ հասարակ ճանապարհորդ. այլք համարում էին իբրեւ Ելլադայի իշխանի գաղտնի դեսպան, ուղարկուած Փրանսիայի թագաւորի մօտ: Առ հասարակ նորան սակաւ էին

նկատում և նորա մասին սակաւ տեղեկութիւն ունէին։ Այնու առաւել տարօրինակ թուեցաւ ինձ կոմսի յաճախական խօսակցութիւնը նորա հետ. ես սկսեցի դիտել և շուտով նկատեցի որ՝ այդտեղ իսկ էր կարիճը։

— Այդտե՞ղ։ Ի՞նչ կարող էր լինել դա։

— Գուցէ ձերդ պայծառափայլութիւնը կօգնէք ինձ բացատրել այդ։

— Ե՞ս։ Ի՞նչպէս։

— Պետրալիֆասը, Ելլադայի իշխանի աները, այստե՞ղ է։

— Այո՛, գրեթէ մի ամիս է։ Բայց դու ի՞նչ ես եզրակացնում դորանից։

— Գուցէ նորա այցելութիւնը կապ ունի Նօննի դեպքանութեան և կոմս Շամպլիտի որոշմունքի հետ։

— Կոմսի որոշմունքի հետ՝ խլե՞լ ինձանից Մօրէի իշխանութիւնը։ Կարծեմ, դու սխալւում ես։

— Ի՞նչպէս։ Միթէ ձերդ պայծառափայլութեան յայտնի չէ՞ թէ՛ ինչո՞ւ Պետրալիֆասը եկել է Պելոպոնէս։

— Նորա ասածով՝ եկել է իւր կալուածքները տեսնելու, պատասխանեց Վիլլարդուինը։ Իսկ ինձ թւում է թէ՛ նա եկել է ամուսնացնելու նպատակով իւր թոռնուհին իմ որդի Գոգֆրիդի հետ։ Տեսնում ես, նորան ուրեմն աւելի ձեռնառու է պահել իմ կողմը քան թէ լինել իմ դէմ։

— Ուրեմն նա խնդրե՞ց Գոգֆրիդից ամուսնանալ իւր թոռնուհու հետ, հարցրեց Մատիօն, մտածելով։

— Ոչ բացայայտ կերպով. բայց նորա բոլոր վարմունքը այդ է ցոյց տալի։

— Ա՛խ, եթէ այդպէս է, ուրեմն ես բոլորը հասկանում եմ, գոչեց Մատիօն։

— Ի՞նչ ես հասկանում։

— Որ Պետրալիֆասը ամենախորամանկ աղուէս է, որպիսին երբեքից մեծացրել է Կ. Պօլսի արքունիքը։

— Նոր գիւտ չէ՞ այդ, ժպտալով ասաց Վիլլարդուինը։ Բայց այժմ ինչի՞ց ես տեսնում այդ։

— Ինչպէս երևում է, Ելլադայի իշխանը այնպիսի մարդ չէ որ՝ պղտոր ջրի մէջ ձուկ որսայ. կարծը ձգելուց առաջ նա կամենում է իմանալ թէ՛ ինչ տեսակ ձուկ կհանէ։

Գորա համար իսկ ուղարկել է նա իւր աները որ ամենից առաջ վարպետութեամբ զննէ տեղագրութիւնը:

— Նորան հարկաւոր չէր այդքան զգուշութիւն, ասաց Վիլլարդուինը: Իմ և Թէոդորի միջի ընտանեկան կապը շատ օգտաւէտ է Թէոդորի շահերին. երկու այդպիսի իշխանը միասին մի կայսր արժեն:

— Ի հարկէ, պատասխանեց դը-Մօնսը. բայց ձեզանից մէկը դեռ ևս իշխան չէ: Այդ իսկ պատճառով՝ ուղարկելով այստեղ իւր աները տեղ բռնելու եթէ ձերի պայծառափայլութիւնը կհաստատուի իշխանութեան իրաւունքի մէջ, Թէոդորը միւսնոյն ժամանակ ուղարկել է Նօնին կոմս Շամպլիտի մօտ տեղեկանալու թէ՝ արդեօք ձեզ վերայ կհաստատուի Մօրէի իշխանութիւնը:

— Շատ կարելի է, ասաց Վիլլարդուինը. ես ճանաչում եմ Թէոդորին, քայլը զննուց առաջ նա շօշափում է գետինը ոտքով:

— Ահա՛ այսպէս Նօնը սկսեց ամեն տեղ ժողովել տեղեկութիւններ, ելումուտ անել, դիտել, հարցուփորձ անել, և այնքան աղմուկ յարուց որ՝ ստիպեց կոմսին յիշել Պելրպոնէսի մասին: Իսկ ես ամեն կերպ աշխատում էի հեռացնել նորանից այդ իսկ յիշելը: Նօնը դուրս եկաւ ոչ յիմար մարդ, նա շուտով հոտ առաւ որ՝ քամին փչում էր Ռօբէրի կողմը և մտածեց որ՝ աւելի հեշտ էր և ապահով առագաստները քամու կողմը դարձնել, քան թէ մաքառել նորա դէմ: Այնուհետեւ ես տեսայ որ՝ մենք յաղթուած էինք, և սկսեցի գործ դնել բոլոր ջանքերս ժամանակը քաշքշելու համար: Բայց շուտով հասկացայ որ՝ այդպիսի վարմունքս կարող էր կասկածելի կացուցանել ինձ. ուստի ես փոխեցի գործողութեանս եղանակը և դարձայ եռանդուն պաշտպան Ռօբէրի շահերին: Եւ երբ նկատեցի որ՝ նորա նշանակելը անխափանելի է, իսկոյն նամակ գրեցի նորան, բացատրեցի իմ ջանքերը նորա մասին, իմ յոյսերը, և մի քանի օրից յետոյ ստորագրեցի այն վկայականը, որը կարգում էր նորան Մօրէի իշխան:

— Դո՛ւ ստորագրեցիր:

— Բաւական չէ այդ. ես ինքս տարայ այդ վկայականը երիտասարդ Շամպլիտին Բուրգօն քաղաքը, որպէս

և իւր հօրեղբօր մտերմական նամակները և հրահանգները:

—Նոցա մէջ նա յիշում էր ի հարկէ և այն խոստմունքը, որ տուել էր ինձ:

—Ո՛հ, ոչ. դորա մասին ես մոռացայ, որովհետեւ նամակները ես գրեցի:

—Ինչո՞ւ արգեօք, ասաց Վիլլարդուինը. մի՞թէ նա չի մացաւ յետոյ իւր հօրեղբօրից կամ Նօնից:

—Հօրեղբօրից չէր կարող իմանալ, որովհետեւ կոմսը գնաց Խալիա այն իսկ օրը, երբ ես գնացի Բուրգօն. Նօնից նոյնպէս, որովհետեւ ինքը Նօննը չգիտէ այդ: Որպէս զի նորա գլխի մէջ չմտնէին աւելորդ տեղեկութիւններ, ես առաջարկեցի նորան գնալ ինձ հետ միասին Ռօբերի մօտ, որ նա կանէր ի հարկէ և առանց իմ առաջարկութեան:

—Ռօբերը երևի շատ ջնորհակա՞լ էր ձեզանից:

—Կարող էք ձեզ երեակայել: Նա շինեց ինձ իւր առաջին խորհրդակիցը և երկու օր չէր անցել որ՝ նա արդէն յայտնեց ինձ Ելլադայի իշխանի առաջարկութիւնը, որը արել էր Նօնի ձեռքով: Եւ գիտէ՞ք—որպիսի առաջարկութիւն:

—Կարելի է իշխանը առաջարկել էր իւր աղջկայ ձեռքը:

—Այո՛, այդ իսկ է:

—Եւ Ռօբերը...

—Ընդունեց առաջարկութիւնը:

—Ընդունեց:

—Ի հարկէ ընդունեց, բայց պայմանով—եթէ օրիորդին կհաւանէ:

—Է՛հ, դորա մասին կասկած չէ կարող լինել:

—Եթէ դուք այդպէս էք հաւատացած որ նա կհաւանէ օրիորդին, ասաց դը-Մօնսը, աւելի վառ նորա համար:

—Ինչո՞ւ:

—Որովհետեւ Վլաքիայի իշխանի աղջիկը պէտք է Գօդ-Փրիդի կին լինի:

—Է՛հ, ի՞մ թանկագին Մատիօ, ասաց Վիլլարդուինը անմեղօրէն ժպտալով. —մենք կվերադառնանք մեր Շամպա-

նիան և կակսենք կաղամբ բուսցնել հայրական ագարակում:
Ո՞վ կը կամենայ ազգակցել մեզ հետ:

— Շատ գեղեցիկ է թէ այդպէս է, խնդրում եմ ձերդ պայծառափայլութիւնից ագարակապան կարգել ինձ: Բայց եթէ յանկարծ, որպիսի և իցէ անակնունելի դիպուածով դուք կմնաք Մօրէի իշխան...

— Այն ժամանակ ուրիշ բան կլինի, պատասխանեց Վիլլարդուինը: Այն ժամանակ Աննան արժանի կլինի Գօդֆրիդի կնութեան, եթէ որևիցէ ուրիշ տեսակ դարսողութիւնները... բայց ինչո՞ւ խօսենք դատարկ բաների վրայ: Մինչև մարտի տասներկուսը մնում է կարծեմ էլի հինգ ամիս և 12 օր, այսինքն՝ այդ միջոցին Ռօբէրը կարող է գալ հինգ անգամ իւր իշխանութիւնը ստանալու համար:

— Ա՛խ, հինգ ամիսը դեռ ևս հինդ դար չէ, ասաց զԼ. Մօնսը: Տեսնենք: Դէ՛ առ այժմս մնաք բարին, ձերդ պայծառափայլութիւն:

— Ի՞նչպէս. դու արդէն գնո՞ւմ ես: Բայց ո՞ւր:

— Ի՞նչպէս ուր: Այնտեղ, ուր ինձ կոչում են իմ պարտաւորութիւններս: Ես գնում եմ Մօրէի իշխանի մօտ. ես պէտք է նստա հետ լինիմ, երբ նա կգայ այստեղ ընդունել կառավարութիւնը:

— Դէ՛հ, բարի՛ ճանապարհ, սիրելիս: Գոնեա դու ինձ զգուշացրի յարմար ժամանակ, և ես կպատրաստուիմ ընդունել իշխանին ինչպէս վայել է:

— Առանց ամենայն կասկածի: Բայց... որ չմոռանամ ամենագլխաւոր բանը, յանձնեցէք ինձ 8 հազար ոսկի:

— Բայց ինչո՞ւ ձեզ այդ:

— Նորին բարձրութեան, Մօրէի իշխանի ճանապարհածախք:

— Ա՛խ, ահա՛ նոր բան: Ձեր հանճարեղ խելքով դուք մտածում էք որ՝ ես պարտաւոր եմ վճարել նորա ճանապարհածախքը:

— Եւ ձերդ պայծառափայլութիւնը բոլորովին կհամաձայնուիք ինձ հետ երբ կլսէք իմ պատմութեան վերջը: Այն օրից սկսած, երբ Ռօբէրը կարգեց ինձ իւր խորհրդակից, իմ առաջին խորհուրդն այն էր որ՝ նա պէտք է մտնի իւր նոր կալուածքի մէջ ոչ իբրեւ դպրոցից արտաքսած աշա-

կերտ, այլ փառաւոր և շքեղ կերպով: Այս միտքը ընդունուեցաւ ոգևորութեամբ, բայց սորա իրագործելու համար հարկաւոր էր փող: Փոխանակ թոյլ տալու Ռօբէրին ուղարկել մի ուրիշ մարդ փող գտնելու համար, ես առաջարկեցի նորան ուղարկել ինձ իսկ Փարիզ դորա համար: Բայց միւսին ժամանակ հարկաւոր էր որ՝ ձերդ պայծառափայլութիւնը նմանապէս իմանար թէ ինչ է լինում և ստանար ամեն բանի մասին շուտափոյթ և հաստատ տեղեկութիւն: Ձեզ մօտ ուղարկելու ոչ ոք չունէի, և ես առհասարակ ոչ ոքին չեմ հաւատում բացի ինձանից: Ահա՛ այսպէս դուրս եկայ Բուրգօնից դէպի Փարիզ, և ուղիղ եկայ Լակեդեմոն:

— Ի՞նչպէս, միթէ դու այդպէս արիր: Բայց Փարիզը աւելի մօտ է Շամպլիտից քան թէ Լակեդեմոնը, ասաց Վիլլարդուէնը զարմացմամբ:

— Ի հարկէ աւելի մօտ է, պատասխանեց Մատիօ դը Մօնսը ծիծաղելով: Բայց տասնւհինգ, քսան օր զանազանութիւնը մեծ բան չէ: Բացի դորանից՝ Փարիզում ո՞րքան ժամանակ կհարկաւորէր ինձ փոխատուներ գտնելու, նոցա հետ բանագնացութիւն վարելու փոխառութեան մասին, գրաւի մասին, և Աստուած գիտէ երբ կստանայի գումարը: Աւելացրէք դորա վերայ և այնտեղի անիծուած օդը իւր տենդով: Իսկ այստեղ... ես եկայ առաւօտը և գնում եմ երեկոյին, որովհետեւ ձերդ պայծառափայլութիւնը իսկոյն և իսկ կհամարէ ինձ ութը հազար ոսկին:

— Դու կարծում ես:

— Բնաւ չեմ կասկածում: Եթէ ես կվերադառնամ դատարկ ձեռքով, ես կ'կորցնեմ Ռօբէրի համակրութիւնը. իսկ նօնը կդառնայ նորա առաջին խորհրդատուն և կուղարկէ նորան ձեզ մօտ այստեղ թւերի վերայ:

— Դու կամենում ես գնալ այսօր երեկոյին:

— Ուղեկիցը սպասում է ինձ:

— Ուղեկիցը:

— Այո՛, Յօհան նօնը:

— Ի՞նչ ես ասում, սիրելի Մատիօ, գոչեց Վիլլարդուէնը: Ուրեմն այդ մարդը այստեղ է:

— Նոյն իսկ օրը, երբ Ռօբէրը ընդունեց նօնին առա-

ջարկութիւնը, ես նկատեցի որ՝ նա սկսեց պատրաստուիլ ճանապարհի համար և իմացայ որ՝ նա գնում է Պետրալի-
ֆասի մօտ տեղեկութիւն տալու բոլոր անցքի մասին: Ահա՛
այդտեղ առաջին անգամ միտք յղացաւ գլխումս գնալ Փա-
րիզ: Ես գնացի մինակ և հասայ Մարսէլ մի քանի ժամով
առաջ Ելլադայի իշխանի դեսպանից: Տեղեկանալով թէ ո՞ր
նաւով է գնում նա, իսկոյն հասարակ նաւաստիի պաշտօ-
նով վարձուեցայ այդ նաւի վերայ: Յաջողակ քամին ան-
վտանգ արագութեամբ հասցրեց մեզ մինչև Պօնտիկօ: Այդ-
տեղ Նօննի հետ պատահեցաւ կերպարանափոխութիւն. նա
դուրս եկաւ իւր օթեանից լեռնական հովուի հագուստով,
կամ լաւ ասել՝ լեռնային արջի ձեով: Լաւ օրինակը չէ
պէտք արհամարհել. կէս ժամից յետոյ ես հագնուած էի
վարդապետի շորով: Նօննը ճանապարհ ընկաւ և առաջին
իսկ նշաններէից ես նկատեցի որ՝ նա ուղևորուեցաւ դէպի
Լակեդեմոն: Ես հետեցի նորան իբրև ստուեր և այսօր
հասայ այստեղ մի երկու ժամով նորանից առաջ: Ես գիտեմ
որ՝ նա չէ կարող մնալ այստեղ մի օրից աւելի և կերթայ
այսօր երեկոյին: Ուրեմն եթէ ես կամենում եմ ձրի կատա-
րել վերադարձս, չեմ կարող ժամանակ կորցնել:

Վիլլարդուինը բացեց իւր պահարանը, հանեց ութը
քսակ ոսկով և տուեց Մատիօ դը-Մօնսին:

— Բայց միտք պահիր, ի հարկէ, որ՝ ես տալիս եմ
այս գումարը փոխարինաբար: Ես այնքան հարուստ չեմ
որ այդպիսի ընծաներ տամ:

— Ի հարկէ փոխարինաբար, ասաց դը-Մօնսը. եթէ
կկամենաք—այս փողը կարող է տալ ձեզ քսան տոկոսիք:

— Աստուած չանէ, գոչեց Վիլլարդուինը: Դու ինձ
ջհուտ ես համարում, ի՞նչ է: Օրինաւոր տոկոսիք, սիրե-
լիս: Մենք չպէտք է օր առաջ նուազացնենք իշխանի ար-
դիւնքները:

— Օրինաւոր տոկոսիք, ահա՛ բախտ, ասաց դը-Մօնսը
ձեռքերը շփելով: Այժմ ես հաւատացած եմ որ՝ Ռօբէրը
ինձ կկարգէ Պելոպոնէսի ելեմտից նախարար:

— Դէ՛հ, գնա՛ ուրեմն ստացիր քո նախարարական
պաշտօնը, ասաց կուսակալը: — Իսկ բեզբան չէ՞ հար-
կաւոր:

— Ամենեին ոչինչ. Նոննը ծախսում է: Մնա՛ք բարին, ձերդ պայծառափայլութիւն, և ցտեսութիւն... Հինգ ամսից յետոյ:

Մատիօ դը-Մօնսը վերկացաւ, խնամքով ուղղեց իւր արեղայական վերարկուն, իջեցրեց աչքերի վերայ վեղարը, և երբ բարձրացաւ վարագոյրը, նա դուրս գնաց, ինչպէս արդէն ասացինք, խորին ողջոյն մատուցանելով կուսակալին:

4

ԱՍՊԵՏԱԿԱՆ ՄԵՆԱՄԱՐՏՈՒԹԻՒՆ

Ամբոխը խումբ խումբ, բերանը բաց, կանգնած էր հանդիսաւոր ընթացքի առաջ, որին առաջնորդուս էր Վիլլարդուինը, կամ այս կողմ այն կողմ էր քաշուում նորան ճանապարհ տալու համար և ողջունում էր բարձրաձայն կեցցէներով: Ազաղակը սաստիկ էր, օդը թնդում էր կեցցէներից:

Ամբոխի մէջ կար մի մարդ, որ ամենից աւելի յափշտակուած էր երևում փայլուն հանդէսով: Երբ կուսակալը իւր պալատականներով անցնում էր նորա մօտից, այդ մարդը, որ ոչ այլ ոք էր եթէ ոչ մեզ արդէն ծանօթ հովիւը Վլաքից, սկսեց սաստիկ աղաղակել:

— Կեցցէ՛ նորին պայծառափայլութիւնը, Պելոպոնէսի կուսակալը. կեցցէ՛ երևելի իշխան Պետրալիֆասը:

— Եւ ընդ նմին հովիւը կատաղի կերպով շարժում էր օդի մէջ ձեռքերը, և կարծես թէ կամենալով աւելի ոյժ տալ նոցա շարժմունքին՝ զարկեց իւր կաշու գլխաքիով Պետրալիֆասի ձիու ճակատին: Խրտնած ձին բարձրացրեց առաջին երկու ոտը օդի մէջ և քիչ մնաց որ՝ դուրս նետէր թամբից իւր վերայ նստողին:

— Ա՛խ, յիմար, գոչեց ծերունին, երկու ձեռքով պինդ բռնելով թամբի գլուխը:

Իայց հովիւը հզօր բաղուկով բռնեց ձիու սանձը և ասաց.

— Ներեցէ՛ք, պայծառափայլ տէր ներեցէք. ես ոչ թէ

դիտմամբ, այլ անզգուշաբար: Ես մի աղքատ հովիւ եմ
վաքից: Ներեցէք ինձ, տէր:

— Կորցրէք այդ լիրբը, հրամայեց Վիլարդուինը:

Ջինուորները մօտ վազեցին արդէն, որ հրամանը կատարեն, բայց հովիւը բռնելով Պետրալիֆասի ձեռքը՝ շարունակում էր ներողութիւն խնդրել նորանից: Ամբոխի մէջ լսում էր ծիծաղ և շշուկ: Յանկարծ Պետրալիֆասը զգաց որ իւր ձեռքի մէջ դնում են մի նամակ. նա ուշադրութեամբ նայեց հովուի վերայ:

— Դա օտարական է, իմ հայրենիքից, ասաց Պետրալիֆասը Վիլարդուինին: Մեր վաքները դեռ ևս շատ անտաշ են. ներեցէք դորան իմ սիրոյ համար՝ դա յափշտակուել էր աւելորդ եռանդով: Թոյլ տուէք ինձ ներս տանեմ դորան կրկեսը:

— Ինչպէս կամենում էք, պատասխանեց կուսակալը:

Եւ օգուտ բաղելով ըոպէից, երբ ոչ ոք չէր նայում նորա վերայ, Վիլարդուինը նայեց հովուի վերայ երկար և զննող հայեացքով:

Այդպէս հովիւը միացաւ հանդիսաւոր ընթացքի հետ, որով և շարժեց մեծ նախանձ բնիկների մէջ, որոնք փոքր ինչ առաջ խօսում էին նորա հետ և ամենեին չէին սպասում, որ այդ օտարականը նոցանից յաղթող հանդիսանար: Բայց լեռնականը ոչինչ ուշադրութիւն չդարձնելով իւր վերայ ամեն կողմից թափած ծաղրանքին, մտաւ կրկեսը Պետրալիֆասի ետեւից:

Այդ ահագին շինութիւնը ներսից զարդարուած էր ծիրանի և թանկագին վարագոյրներով: Նստարանները լի էին զարդարուն, ոգևորուած բազմութեամբ: Միայն մի օթեանը, ամենաբարձրը ամփիթէատրոնում և զարդարուածը շքեղ կերպով, մնում էր դատարկ: Այժմ և դա լցուեցաւ կուսակալի շքեղազարդ պալատականներով:

Շուտով կրկեսի դուռը փակուեցաւ: Երկու ծայրում տեղաւորուեցան մարտնչատները կարգը պահպանելու համար: Կրկեսի մէջ տեղը դուրս եկան զարդարած ձիերով երկու յայտարարողներ. նոքա կարգացին բարձր ձայնով ասպետական մենամարտութեան կանոնները, ուշադրութիւն խնդրեցին հանդիսատեսներից և յայտարարելով—

ԱՆՏՆՈՒՄ:

կանայս, պատի՛ւ քաջ ասպետներին, նշան տուին փողերի հնչմունքներով, որ մենամարտութիւնը սկսուում է:

Իսկոյն մինը միւսի ետեւից, երկար շարքով, սկսեցին հրապարակ դուրս գալ երևելի բարձնները, որոնք բաժանել էին Պելոպոնէսում Բիւզանդեան կայսրութեան մնացորդները: Ամենից առաջ ընթանում էր Վիլլարգուինի որդին:

Գօգֆրիդի ոսկեգօծ զէնք ու զրահը փայլում էր նորա ծիրանի և ոսկեթելով բանուած վերարկուի ծալքերի տակից: Նորա սաղաւարտը զարդարուած էր ծիրանի փետուրով, առաջի կողմի վերայ ձեւանում էր նիզակ, որի սուր ծայրը հասնում էր ամպերին:

Փայլուն ասպետը վեհ հպարտութեամբ անցաւ հրապարակը, մօտեցաւ կուսակալի օթեւանին, իջեցրեց նիզակը և ազնուութեամբ գլուխ տուեց կանանց և իւր հօր: Յետոյ բռնեց առաջին տեղը, որ նշանակած էր մենամարտողների համար:

Ամենից յետոյ հրապարակ դուրս եկաւ Աթենքի իշխանի դեսպանը, Գօտիէն: Նորանից առաջ մտնող ասպետները արգէն շարժում էին գովաբանութեան շշուկներ. բայց այդ փառաւոր և փայլուն ասպետի երևալը յարոյց ընդհանուր ոգևորուած աղաղակներ: Ամենքը տեսան, որ նորա վերարկուի վերայ, որ ծածկում էր ձիւնի պէս փայլող արծաթի զրահը, կային շինած Աննայի տոհմական նշանակի ծաղիկները: Վերարկուն կապտագոյն էր և զարդարած արծաթի աստղիկներով. սաղաւարտի փետուրները նոյնպէս կապտագոյն էին և առաջի կողմի վերայ փայլում էր ագամանդեսոյ աստղ այս նշանաբանով:

«Նորան (Աննային) միայն, որ փայլում է աւելի պայծառ քան թէ հազարաւոր աստղեր»:

Պողպատի սաղաւարտի տակից փուռում էին շքեղ բարձնի ուսերի վերայ խիա ոսկեգոյն գանգուրները: Երբ սրնթաց անցնելով հրապարակը, Գօտիէն հասաւ կուսակալի օթեւանին, նա յանկարծ իւր ձին կանգնացրեց այնպէս որ՝ դա առաջին ոտներով ծունկ չօրեց, իսկ ինքը ասպետը կիրթ քաղաքավարութեամբ գլուխ տուեց կանանց: Աննան շառագունեւելով, պատասխանեց նորա ողջունին գլուխը

Թեթև Խոնարհեցնելով, և ամբողջ ամփիթէատրոնը դղրդաց ծափահարութիւնից:

Ասպետները շարուեցան կրկէսի պատի տակը երկու կողմից, ազատ թողնելով բոլոր մէջտեղի տարածութիւնը: Երբ որ ամենքը տեղաւորուեցան իւրեանց տեղերում, նշան տրուեցաւ մենամարտութեան սկզբին:

Մենք չենք կամենում նկարագրել այստեղ մենամարտութեան զանազան երևոյթները, մենամարտողների հմտութիւնը և բաշտութիւնը, նոցա շարժուածքների գեղեցկութիւնը և արագութիւնը, նոցա միմեանց հանդիպելու եռանդը, որք ազդու տպաւորութիւն էին գործում հանդիսականների վերայ:

Վիլարդուինի որդին, որ շատ հմուտ էր զինուորական արուեստի մէջ, մենամարտում էր առաջ մէկը մէկի դէմ երեք հակառակորդների հետ—Գօտիէ դը Ռօնշէրի, Պատրասի բարօն Վիլհէլմ Ալեմանի և Գիւի դը Նիվելէի հետ: Առաջին ասպետին Գօդֆրիդը զինաթափ արեց, երկրորդի երկու նիզակը կոտրեց, իսկ երրորդին դուրս նետեց թամբից:

Բայց յաղթողը ստիպուած էր նահանջել եռանդուն և յաղթական Հիւգօ դը-Բրիէրի առաջև: Այս նոր մենամարտողը հետզհետէ յաղթեց Գօդֆրիդին, Հիւգօ Լիլլացուն և երիտասարդ բարօն Լիւկասին: Բայց դը-Բրիէրի բաշտութիւնը պէտք է նահանջէր Ռաուլ դը-Տուրնէի հարուածի ճշտութեան առաջև:

Բայց հաղիւ թէ յայտարարած էր վերջին յաղթողի յաջողութիւնը, ահա՛ սպառնացող և գոռոզ դէմքով նորա դէմ դուրս եկաւ, նորա մշտական թշնամին—Բարօն Ռօբէրտ դը-Լա-Տրէմուալ: Սակայն այս անգամ նորա գոռոզութիւնը կոտրուեցաւ և ստորացաւ Ռաուլի հանդարտ հմտութիւնով: Հանդիսականները բաւականութեամբ նայում էին թէ ինչպէս մեծամիտ և ինքնահաւան Լա-Տրէմուալը, ստորութեամբ խայտառակուեցաւ հակառակորդից, որին ամենքը սիրում էին նորա հեղութեան և պարզութեան համար:

Յաղթուած Ռօբէրտից յետոյ առաջ եկաւ Ժան դը Նէ-յիլի: Երեք-չորս քայլ առաջ դնելով, նա տեսաւ որ՝ իւր հակառակորդը սաստիկ թուլացել է իւր յաղթութիւննե-

ըից յետոյ, և բաղաժառույթեամբ խոնարհեցրեց իւր նիշակը Ռաուլի առաջև, չկամենալով օգուտ բաղել յաջողակ հանգամանքից, թէպէտև իրաւունք ունէր առ այն: Դը-Նէ-յիլին սպասում էր մինչև որ Ռաուլը բոլորովին հանգըստացաւ: Պետրալիֆասը, օգուտ բաղելով այդպիսի ընդմիջումից, կամեցաւ փոքր ինչ շարժողութիւն տալ իւր զառամեալ և թուլացած յօդուածներին և դուրս գնաց կուսակալի օթեանից: Վիլլարդուինը նկատեց որ հովիւը իբր միամտաբար հետևեց Պետրալիֆասին:

Ռաուլի յոգնած ձեռքը չէր կարող երկար ընդգիմանալ Բարօն դը-Նէյիլի թարմ ուժին, որ նման էր անշարժ ժայռի և նա նահանջեց:

Վերջապէս հանգէս դուրս եկաւ մենամարտողներից վերջին ասպետը, երիտասարդ Գօտիէն: Նթէ հանդիսականների բոլոր հայեացքները, բոլոր ուշադրութիւնը դարձրած չլինէր այդ մենամարտութեան վերայ, ուր ամենաքաջ մենամարտողների դէմ դուրս էր եկել ամենագեղեցիկ և նազելի հակառակորդը, շատերը կարող էին նկատել որ Աննան յանկարծ գունատուեցաւ:

Մարտը շարունակուում էր երկար. Գօտիէն ցոյց տուեց որ՝ նազելութիւնը ամենևին արգելք չէ քաջութեան և թեթեւաշարժութեան: Վերջապէս, մենամարտողները նետուեցան միմեանց վերայ. նոցա երիվարների զրահապատ կուրծքերը զարնուեցան շառաչիւնով և յետոյ նստեցան ետևի ոտների վերայ: Բարօն դը-Նէյիլին դէպի առաջ թեքուեցաւ որ՝ վերջին հարուածը տայ Գօտիէին, որով և կվերջանար նոցա մարտը, բայց Գօտիէն օձի ճարպիկութեամբ խոյս տուեց հարուածից և թեթև կերպով հպելով նիզակով հակառակորդին, որ խիստ շատ էր թեքուել, դուրս նետեց նորան թամբից:

Վատաղի ծափահարութիւններ, ոգևորուած աղաղակներ հնչեցին ամբողջ ամփիթէատրից: Աննայի այտերը վառուեցան. դողդոջուն ձեռքով վերցրեց նա արծաթի աստղերից հիւսած պսակը և մեկնեց այն յաղթողին: Գօտիէն, շնորհակալութիւն յայտնելով ձեռքի շարժմունքով ծափահարող հասարակութեան, մօտենում էր արդէն կուսակալի օթեանին մրցանակը ստանալու համար, որը

քաղցր էր նորան մանաւանդ որ՝ տալիս էր այնպիսի հրաշալի ձեռքը:

Յանկարծ վերստին հնչեց փողի ձայնը:

Բոլորի հայեացքները զարմացմամբ ուղղուեցան դէպի դուռը: Հրապարակ էր մտնում մի անյայտ ասպետ: Երեսածածկը փակում էր նորա երեսը, ձին սււաթոյր էր, նա խնքն հագուած էր սււ շորերով: Նորա վերայ չէր երևում ոչինչ զարդ, ոչինչ նշան:

Այդ նոր մենամարտողի անակնկալ երևալը շարժեց ամփիթէաւորում մի քրթմնջումն, որ նման էր մորկից օթորուած անասունի ձայնին: Գօտիէն դարձաւ նորա կողմը և սպասում էր: Սև ասպետը կանգ առաւ հրապարակի մէջտեղ և մնաց անշարժ: Գօտիէն մօտեցաւ նորան:

— Ասպետական օրէնքներն, ասաց Գօտիէն, պատուիրում են մենամարտողին հրապարակ դուրս գալիս բաց անել երեսը, կամ գոնէ ներկայացնել որևիցէ նշան, իւր ազնուական ծագման: Իսկ իմ սեփական կանոնն է—երբ բէք չհրաժարուել ինձ առաջարկած մենամարտութիւնից: Եթէ դուք անպատճառ ցանկանում էք անյայտ մնալ, ասպետ, ես յարգում եմ ձեր ցանկութիւնը և պատրաստ եմ մարտ մտնել ձեզ հետ:

Մարտը սկսուեցաւ: Հակառակորդների հանդիպումն շարժեց հանդիսականների մէջ զանազան զգացմունքներ: Գօտիէն դեռ երբէք չէր ցուցած այնչափ նազելիութիւն շարժմունքների մէջ, այնչափ ճարպիկութիւն զինասաղութան մէջ. կարելի էր կարծել որ՝ մի որևիցէ զարմանալի մեքենայ կառավարում էր ձիուն և նորա հեծեալին իւրեանց յաջողակ շարժմունքների մէջ: Գօտիէի նիզակը խաղում էր ձեռքում իբրև մի ձկուն եղէգն: Այդ նազելի ասպետի ամեն մէկ քայլից յետոյ, ամեն մէկ զարկից յետոյ, զարմանքի ձայներ էին շարժւում գործին հմուտ մարդոց մէջ: Սև ասպետը, ընդհակառակն, առաջին քայլից ցոյց տուեց այնպիսի անհմտութիւն, այնպիսի անփորձութիւն այդ ազնիւ վարժողութիւնների մէջ որ՝ ոմանց մէջ ծիծաղ շարժեց, այլոց մէջ անհամբերութիւն: Շատերը սաստիկ արտնջում էին որ՝ այդպիսի անփորձ մենամարտողը համարձակուեցաւ դուրս գալ ասպետներից լաւագոյնի դէմ:

Բայց եթէ խորհրդաւոր ասպետին պակաս էր նազելիութիւնը և ճարպիկութիւնը, որ հարկաւոր են այդպիսի վարժողութիւնների համար, նա վարձատրոււմ էր բոլոր այդ պակասութիւնները անօրինակ ուժով և զարմանալի քաջութեամբ: Փոխանակ պաշտպանուելու Գօտիէի յաջողակ յարձակմունքներից հաշուած խուսափմունքներով, սև ասպետը, ինչպէս կատաղած նետոււմ էր հակառակորդի վերայ ու չինչ ուշադրութիւն չդարձնելով հարուածներին, որ վարմանալի արագութեամբ թափոււմ էին նորա վերայ: Նա ցանկանում էր մարտ մտնել նորա հետ առանց զէնքի, նա հասկանում էր որ՝ միայն ուժով, և ոչ թէ ճարպիկութեամբ կարող էր ձեռք բերել յաղթութիւնը: Բայց որ կողմ և դառնում էր խորհրդաւոր ասպետը, ամեն տեղ հանդիպում էր Գօտիէի նիզակին, որ կարծես թէ հազարաւոր կախարհական շրջաններ էր բոլորում նորաչորս կողմը: Վերջապէս սև ասպետը, իբրև առիւծ, որ զգում է թէ կռիւ է մտել հզօր թշնամու հետ, դողալով կատաղութիւնից, պատրաստ աւելի շուտով մեռնել քան թէ անձնատուր լինել յաղթուած, երկու քայլ նահանջեց և մոլեգնաբար նետուեցաւ Գօտիէի նիզակի վերայ: Նիզակն իբրև մի եղեգն փշրուեցաւ եռանդուն անծանօթի կուրծքի վերայ: Այն ժամանակ ձգելով իւր նիզակը, սև ասպետը յարձակուեցաւ երիտասարդ ասպետի վերայ, բռնեց նորան իւր երկաթի ձեռքերով, հանեց թամբից և ձգեց գետնին: Գօտիէն ընկած էր անուշ և կարծես թէ անշունչ:

Հանդիսականների մէջ լսուեցան սարսափելի գոչիւններ, բայց դոցա բոլորին ծածկեց մի սոսկալի, յուսահատական ճիչ, որ հնչեց Վիլարդուէնը օթեւանից: Աննան ուշագնաց ընկաւ կուսակալի կնոջ ձեռքերի վերայ: Արծաթի պսակը, որ բռնած ունէր յաղթողին յանձնելու համար, ընկաւ ձեռքից և թաւալուեցաւ հողի մէջ: Սև ասպետը դարձաւ դէպի օթեւանը և մի վայրկեան նայում էր այն կողմ: Բայց փոխանակ վերցնելու գետնից պսակը, որ իրաւունքով, նորան էր պատկանում, խորհրդաւոր մեռամարտողը ձիու զլուխը դարձրեց և դուրս վազեց կրկեսից: Ոչ ոք չէր կարողանում ասել ռոտեղից եկաւ նա և ճւր անյայտացաւ...

Այսպէս մենամարտութեան հանդէսը վերջացաւ ընդ-
հանուր շփոթութիւնով. ոմանք աշխատում էին ուշի բերել
Գօտիէին, այլք խռնում էին Աննայի չորս կողմը: Ամենքը
խօսում էին խորհրդաւոր ասպետի վերայ:

5

ՀԵԼԼԵՆ ԵՒ ՓՐԱՆԿ

Միւսնոյն օրը երեկոյին Առիւծ Խամարէթը, մռայլ և
վրդովուած, քայլում էր յետ ու առաջ իւր սենեակի մէջ:
Առաւօտեան անցքը յայտնի էր բոլոր քաղաքին և ամեն
տեղ խօսում էին սև ասպետի երեւալու, Գօտիէի յաղթուե-
լու և Աննայի ուշագնացութեան վերայ: Ի հարկէ՝ այդ բո-
լոր պատմութիւնները չափազանցրած էին զանազան կեր-
պով, ոմանք մինչև անգամ ասում էին թէ՝ Գօտիէն մեռել
է, իսկ միւսները հաւատացնում էին թէ՝ մեռել է Աննան:

Ջարմանալի չէ, եթէ՝ այդ բոլոր լուրերը հասան և
Խամարէթին և շփոթեցին նորան: Նա տարուբերում էր
երկու զգացմունքի մէջ — մէկը քարշում էր նորան գնալ
Պետրալիֆասի մօտ և տեղեկանալ Աննայի առողջութեան
մասին. միւսը, լի՝ հպարտութեամբ և դառնութեամբ, պա-
հում էր նորան: Վերջապէս՝ երկար մաքառումից յետոյ,
Առիւծը ընտրեց առաջին որոշմունքը. երկու անգամ ելաւ
նա տանից և երկու անգամ վերադարձաւ: Յետոյ ելաւ և
գնաց դէպի ծերունի յոյնի տունը: Պետրալիֆասը նստած
էր պարտիզում Աննայի հետ, նարնջենու ստուերի տակ:

Խամարէթը մտաւ մռայլ, գրեթէ գաղանական դէմ-
քով: Բայց երբ տեսաւ մատաղահաս օրիորդի աչքերը լա-
ցած, երեսը դեղնած, և վշտից կնճռոտած դէմքը, նա մեղ-
մացաւ և նորա խստութիւնը անդի տուեց ցաւակցութեան:
Խամարէթը մերձեցաւ Պետրալիֆասին և ցածիկ ձայնով ա-
սաց թէ՝ լսելով Աննայի տկարութիւնը եկել է տեղեկանա-
լու թէ ի՞նչ է պատահել նորան:

Աննան շնորհակալութիւն յայտնեց նորան հայեացքով:
— Նա լաւացաւ, բայց տակաւին հիւանդ է: Սև աս-

պետի երևալը սարսափելի ազդեցութիւն գործեց նորա վերայ:

— Սե ասպետի, զարմացմամբ ասաց Խամարէթը:

— Ո՛չ, պատասխանեց Աննան, հաւատացնում եմ՝ ձեզ — շոքը, ծանր հոտը...

— Ես չեմ սխալուում, ասաց Պետրալիֆասը. երբեմն մենք ենթարկուում ենք անբացատրելի զգացմունքներին: Ես դիտում էի բեզ: Հէնց որ երևեցաւ այդ խորհրդաւոր մե- նամարտողը, յանկարծ երեսդ բոլորովին գունատուեցաւ. աչքերդ, իբրեւ շղթայած, հետեւում էին նորա ամեն մէկ շարժմունքին: Երբ նա յաղթեց, ես նկատեցի որ՝ վրդով- մունքը, որ նա շարժեց քո մէջ, սպառեցին քո ոյժերը:

— Բայց, գուցէ զգացմունքը դէպի թամբից դուրս նետած ասպետը...: Եթէ այդպէս է, ձեր վրդովմունքը ի զուր էր. ասպետը կենդանի է և առողջ և բոլորովին լա-ւացել է իւր ընկնելուց յետոյ:

— Ա՛խ, բոլորովին լաւացել է, գոչեց Աննան, կար- մելով: Յետոյ աւելացրեց — յիրաւի, մեր կանացի թոյլ ջը- ղերը չեն կարող դիմանալ այդպիսի տեսարաններին:

Խամարէթը նայեց նորա վերայ երկար, զննող աչքով. նորա հայեացքից մատաղահաս օրիորդը խոնարհեցրեց աչ-քերը: Առիժը վեր կացաւ և կամենում էր գնալ:

— Ի՛նչպէս, որդիս, դուք այդպէս շուտով գնում էք, ասաց Պետրալիֆասը բռնելով նորա ձեռքը:

— Ես լսեցի, ասաց լակեդեմոնացին շեշտով, որի մէջ լսում էր ծաղրանք, որ Աննայի ցաւակցութիւնը դէպի յաղթուածը և ատելութիւնը դէպի յաղթողը շատ վնասել են նորա առողջութեան: Այժմ, բարեբախտաբար, տեսնում եմ որ՝ ասպետի լաւանալու լուրը վերստին վարդեր բացեց նորա այտերի վերայ: Գնում եմ՝ ձեր մօտից բոլորովին հանգստացած:

Այդ միջոցին մտաւ Ժառան և յայտնեց կուսակալի գալուստը:

Պետրալիֆասը շտապով գնաց տուն, խնդրելով Խա-մարէթից սպասել, որովհետեւ գործ ունէր նորա հետ խօ-սելու Վիլլարդուինի գնալուց յետոյ: Ընդունելով կուսակա- յին, Պետրալիֆասը տարաւ նորան ամենաշքեղ սենեակը:

—Ասացէք խնդրեմ, ասաց Վիլլարդուէնը, ի՞նչպէս է գեղեցիկ Աննայի առողջութիւնը: Ես անհամբերութեամբ ցանկանում եմ իմանալ այդ: Զապէլը ասաց ինձ որ՝ թողել է նորան տակաւին շատ թոյլ դրութեան մէջ:

—Նորին պայծառափայլութիւնը, պատասխանեց Պետրալիֆասը, ցուցեց իմ թոռնուհուն կատարեալ մայրական կարեկցութիւն: Սկզբում մենք յիրաւի վախեցանք, բայց այժմ Աննան գրեթէ բոլորովին առողջ է:

—Նա վախեցաւ սեւ ասպետից, և ոչ ի զուր. նորա երեւալը շատ անակնկալ էր և անվայել, իսկ շարժումները շատ կոպիտ:

—Ինձ թւում է որ՝ Աննայի վերայ ամենից աւելի ներգործեց այն ծածուկ և խորհրդաւոր դրութիւնը, որը բռնել էր ասպետը: Զերդ պայծառափայլութեան գուցէ յայտնի է—ո՞վ էր թագնուած այն սեւ երեսածածկի տակը:

—Հակառակորդը չպահանջեց որ՝ նա բաց անէր երեսը, իսկ դորանից յետոյ ես իրաւունք չունիմ պահանջել գաղտնիքի յայտնելը: Մենամարտողների ցուցակի մէջ նա պատուիրել էր գրել իւր անունը ՍԵՆ ԱՍԱՎԵՄ: Ով և լինէր նա, մենք պիտի խոստովանուենք որ՝ նա անվեհեր էր, և եթէ ընտել չէր ասպետական մենամարտութիւններին, յամենայն դէպս երևում էր որ՝ մօտ ծանօթ էր զինուորական գործին: Դուք այսօր միայն առաջին անգամ տեսաք այդպիսի հանդէս. ի՞նչպէս հաւանեցիք:

—Այդպիսի հանդէսները ինձ թւում են բոլորովին արժանի աշխարհիս ամենաբաջ ազգին, շողոքորթութեամբ պատասխանեց ծերունին: Դա տաքացրեց ծերութիւնիցս պաշտած արիւնս և զարթեցրեց սրտիս մէջ երիտասարդութեանըս յիշատակները:

—Իսկ իմ մէջ, իմ պատուական բարեկամ, հանդէսը շարժեց աւելի քաղցր յիշատակներ. դա յիշեցրեց ինձ իմ թանկագին հայրենիքս, ես ներկայացրի ինձ Շամպայնի ազնիւ ասպետների մէջ. ինձ թւում էր որ՝ ես նորից տեսնում էի աչքիս առաջև հայրենիքիս և՛ անտառները, և՛ դաշտերը, և՛ սիրելի դէմքերը, որք ժպտում էին ինձ ծրանուկուս օրը, և՛ տունը, ուր խաղում էի մանկութեանս ժամանակ: Պատերազմների և վրդովմունքների մէջ անցու-

ցած կեանքից յետոյ մենք ամսասալով յիշում ենք մեր մատաղ հասակի խաղաղ տեսարանները: Այդ ժամանակ հեռուից ժպտում է մեզ հայրական տան սիրելի տեսարանը, մենք երազում ենք տերեւախիտ և ստուերաւոր ծառը, որի ստուերում մենք խաղում էինք, և վճիտ գետը, ուր մենք գնում էինք լողանալու: Այդպիսի յիշատակների ժամանակ մեզ պատում է մի անյաղթելի ցանկութիւն— դնել թափառական ցուպը այն անկիւնում, որտեղից վերցրել ես նորան մի ժամանակ: Ես զգում եմ, տէր իմ Պետրալիֆաս, որ՝ կեանքի երեկոյին մենք ձգտում ենք դէպի այն յարկը, որտեղից դուրս ենք եկել առաւօտը: Այո՛ ըոպէիս ես միայն մի փափագ ունիմ— վերադառնալ Քրանսիա և փորել գերեզմանս նոյն ծառի տակ, ուր է և հօրս գերեզմանը:

— Էհէ՛, մտածեց Պետրալիֆասը, ի՞նչ է նշանակում այս բանաստեղծութիւնը. չլինի՞ թէ և սորան հասել է որ և իցէ տեղեկութիւն:

Յետոյ գաղտուկ ձգելով Վիլլարդուինի վերայ մի զըննող հայեացք, ծերունին ասաց.

— Բայց, երևի Աստուած չի կատարի ձեր ցանկութիւնը, որովհետեւ ամբողջ Պելուպոնէսը ինդոլում է նորանից բոլորովին ուրիշ բան: Ձեր ներկայութիւնը դեռ ևս շատ երկար հարկաւոր է այս երկրի բարօրութեան համար:

Վիլլարդուինը երևի թէ չլսեց այդ շողորթութող խօսքերը, որովհետեւ փոխելով խօսակցութիւնը նա հարցրեց.

— Իսկ ձեր հայրենակիցը, ի՞նչ եղաւ նա:

— Իմ հայրենակիցը, ասաց Պետրալիֆասը շփոթուած, ի՞նչ հայրենակից:

— Այն, որ դուք ներս տարաք կրկէսը:

— Ա՛խ, դուք չէք մոռացել նորան. նա մի խեղճ հովիւ է Վլաքից, Յետունեան լեռների բնակիչ:

— Բարի՞ լուրեր է բերել ձեզ ձեր իշխանի մասին:

— Լճւրեր... իշխանի մասին... նա չէ բերել ինձ ոչինչ լուր:

— Ա՛, ուրեմն նա ոչինչ լուր չէ բերել ձեզ, իսկ ես կարծում էի թէ բերել է:

— Եւ ոչ մի փոքրիկ լուր: Ես նորան բոլորովին չէի էլ ճանաչում մինչև այսօր: Ես տեսայ որ՝ նա այստեղ օտա-

րական էր, իմ հայրենիքից, և ես ցանկացայ ներս տանել նորան կրկէսը:

— Եւ շատ լաւ արիք:

Յետոյ Վիլլարդուինը նայելով իւր չորս կողմը, կարծես թէ կամենում էր ստուգել թէ արդեօք մի լսող չկայ, ցածացրեց ձայնը:

— Ես գիտեմ ձեր փորձառութիւնը և իմաստութիւնը, սկսեց նա, և ես ցանկանում եմ խորհրդակցել ձեզ հետ մի գործի մասին, որ շատ մեծ նշանակութիւն ունի ինձ համար:

Ձնայելով իւր հմտութեան ծածկել այն, ինչ որ ըզգում էր, ծերունի պալատականը, լսելով այդ խօսքերը, չկարողացաւ զսպել իւր շրթունքների ջղային շարժողութիւնը:

— Պատրաստ եմ ձեզ ծառայել, ձերդ պայծառափայլութիւն, պատասխանեց նա:

— Ես իմացայ, շարունակեց Վիլլարդուինը, որ՝ Աթէնքի իշխանը մտադիր է առաջարկել իմ որդի Պօղֆորիդին ամուսնանալ իւր եղբոր աղջիկ Հեղինէի հետ: Ինչ խորհուրդ կտաք. համաձայնում եմ նորա առաջարկութեան թէ ոչ: Ես կկատարեմ բոլորը, ինչ որ ձեր փորձառութիւնը կթելադրէ ինձ:

— Աթէնքի իշխանը, ասաց Պետրալիֆասը, խորը ներշնչելով օդը ինչպէս մի մարդ, որ ազատուել է ներքին ծանր բեռից, և իւր դէմքին տալով ամենախորամաղ կերպարանք, ասաց.

Այդ գործի մասին հարկաւոր է մտածել խորունկ: Այո, Թէքան և Աթէնքը ձեր տան բանալիներն են, և իմ կարծիքով ձեզ համար օգտակար է որ՝ այդ բանալիները լինին բարեկամի ձեռքում, և աւելի լաւ է ազգականի ձեռքում: Միանալ նորա հետ, ով որ կարող է լինել միշտ ձեզ օգտակար պատնէշ, կլինի իմ աչքին շատ խելացի և նպատակայարմար ձեր կողմից:

— Դուք այդպէս էք կարծում, ասաց Վիլլարդուինը: Շնորհակալ եմ խորհրդի համար. ես այդ չեմ մոռանայ, երբ հարկաւոր կլինի: Ասացէք ձեր նազելի Աննային որ՝ նորա առողջանալը շատ ուրախացնում է ինձ:

Եւ Վիլլարդուինը, գլուխ տալով ծերունուն, դուրս գնաց: Անցնելով տան շէմքը, նա ասաց ինքն իրան.

— Ուրեմն այն հովիւը Վլաքից ոչ այլ որ էր եթէ ոչ Նոննը:

6

ՍԵՒ ԱՍՊԵՏ

Պետրալիֆասի հեռանալուց յետոյ Խամարէթը ստիպուած էր մնալ Աննայի հետ միայնակ. նա առաջ գնաց մի քանի քայլ և թիկն տուեց ծառին, օրիորդի հանդէպ:

— Ասպետակոն մենամարտութիւնը տեսնելուց յետոյ՝ մնում էք դուք արդեօք հաստատ ձեր նախկին կարծիքի մէջ այդպիսի մենամարտութիւնների մասին, հարցրեց չըքնաղ յոյնուհին, անվստահութեամբ նայելով Խամարէթին:

— Տեսնելուց յետոյ աւելի ևս պնդում եմ իմ կարծիքի վերայ:

— Ինչպէս, դուք կամենում էք հաւատացնել ինձ որ՝ բաջուլութեան այդ ազնիւ արտայայտութիւնը չշարժեց ձեր սիրտը:

— Քաջութիւն, ասաց Խամարէթը: Ասպետներից ամենափառաւորը ունի այդ գեղեցիկ յատկութիւնը աւելի քիչ, քան թէ անտառի գայլը կամ լեռնաբնակ արջը: Քաջութիւն: Բայց արժէ՞ արդեօք հանդիսաւոր կերպով ցոյց տալ այդ յատկութիւնը:

— Ա՛խ, ես չեմ կարող ներել ձեզ այդ, պառասխանեց Աննան ժպտալով: Ես հասկանում եմ որ՝ դուք պատերազմում էք բաջների հետ, — այդ ձեր գործն է, բայց որ՝ դուք յարձակում եք նոյն իսկ բաջութեան վերայ...

— Երբ մարդս պաշտպանում է ան յարկը, որի տակ ծնունդ է, երբ նա պաշտպանում է կնոջը, որ առել է նորան Աստուած, երբ պատերազմում է հայրենիքի համար օտար յափշտակողների դէմ, այն ժամանակ բաջութիւնը ազնուանում է, որպէս և այն չնչին մետաղը, որ գործիք է լինում (զէնք) նորան:

— Բայց այն սև ասպետը, ասաց Աննան խորամանկութեամբ նայելով Խամարէթին, այն ասպետը, որ յաղթէց այսօր քաջերից քաջագունին, երևի համաձայն չէ ձեր կարծիքի հետ:

— Ընդհակառակն, պատասխանեց Խամարէթը, նա կարծում է բոլորովին այնպէս, ինչպէս որ և ես:

— Գուցէ և ուղիղ է ձեր ասածը, ասաց Աննան: Ինձ ասացին որ՝ նա իբր գնացել է մինչև անգամ չարժանացնելով վերցնել պսակը, որը նա ստացել էր արժանապէս, և չպահանջելով իւր հակառակորդից ձին և զէնքը, թէև իրաւունք ունէր իւր քաջութեան յաղթանակ կազմել նոցանից:

— Նա երևի մտածեց, ասաց Խամարէթը, որ՝ չարժէր վերցնել փոշու մէջ թաւալուած պսակը և նա ամենեւին չէր ցանկանում զարդարուիլ թատերական յաղթանակներով:

— Դուք խօսում էք նորա մասին, ասաց Աննան ազդու ժպիտով, այնպէս որ՝ կարծես թէ ճանաչում էք այդ խորհրդաւոր ասպետին: Չէ՞ք կարող արդեօք մի բան ասել մեզ նորա մասին:

— Այո՛, ես ճանաչում եմ, ճանաչում եմ նորան, պատասխանեց լակեդեմոնացին: Իմ շրթունքներս դեռ երբեք սուտ չեն արտասանել, իսկ իմ անխոհեմ սիրտս չէ կամեւում ծածկել ձեզանից և՛ ոչինչ: Դուք գիտէք իմ կարծիքը այդ հանդէսների մասին և ինձ չէք մեղադրի պարծեցողութեան մէջ, եթէ ես ասեմ որ՝ սև ասպետը յիրաւի ես եմ: Հաւատացէք ինձ, այս ասելով ամօթից կարմրում եմ:

— Ո՛րպիսի պերճ խօսքեր էք ասում դուք. կարմրում էք: Ես բոլորովին չեմ հասկանում թէ ի՞նչպէս կարող էք դուք խօսել ամօթի մասին այդպիսի դէպքերում:

— Ծաղրեցէք ինձ, ստեցէք ինձ, ասաց Առիւծը դառնութեամբ: Ես ինքս ինձ ատում եմ: Երբ լսեցի ձեր հըրձուանքը այդ հանդէսների առիթով, ձեր զարմանքը դէպի նոցա մէջ մասնակցող ասպետները, երբ տեսայ որ՝ դուք պարգև էք բաժանում ալդ օտարականներին քաջութեան համար, որպիսի պարգևը բացասում էք տալ ձեր հայրենակիցներին, մի զարմանալի, մի ծիծաղելի անձնասիրութիւն, չեմ թագցնում—մինչև անգամ մի նախանձ մտաւ

սրտիս մէջ և ես անձնատուր եղայ այդ տղայական զգացմունքին և դուրս եկայ կրկէսի Տրապարակը: Բայց ես արդէն չատ խորը զղջացի:

—Դուք զղջացիք որ՝ ինձ միջոց տուիք զգալ իմ նախապաշարմունքների անիրաւացիութիւնը, որ զէնքը ձեռին ապացուցիք մեր ազգի քաջութիւնը և արժանացաք, փոխանակ ձեր կողմից արհամարհած արծաթի պսակի, յաղթութեան պսակին և ընդհանուր զարմանքին: Միայն մի բանի մասին դուք կարող էք զղջալ և ափսոսալ—որ Տրապարակ չգուրս եկաք բաց երեսով, ճակատը բարձր. ամէնքը պէտք է իմանային, որ յաղթողը—Յոյն է:

—Ի՞նչ հարկաւոր էր, դառնութեամբ պատասխանեց Խամարէթը. փախստականները փաթաթուում և թաղնուում են իւրեանց ամօթի մէջ, նոքա չեն երևում ճակատը բարձր աշխարհի երեսին:

—Ա՛խ. ուրեմն այժմ ես պէտք է պաշապանեմ ձեզ այն մեղադրանքներից, որ դուք բարդում էք ձեր վերայ, գոչեց Աննան: Միթէ միայն դուք էք, որ չգիտէք թէ ձեր փառաւոր յաղթութիւնների համբաւը տարածուած է ամբողջ Արևելքում: Ես յիշում եմ թէ որպիսի անհամբերութեամբ սպասում էր հայրս տեսնել Պելոպոնէսի պաշտպանին. և երբ դուք ժամանեցիք Արտա...:

—Ձեր հայրը տեսաւ մի մարդ, որ կրում էր իւր ճակատի վերայ յաղթուածի կնիքը և որ բարշտում էր իւր ոտների վերայ ստրկութեան շղթաները...:

—Հայրս տեսաւ այն մարդուն, որ դիւցազնաբար պաշտպանում էր Լակեդեմոնի պարիսպները և յաղթուեցաւ միայն այն ժամանակ, երբ ամրոցի պատնէշները ընկան հոսանքից, որ հեղեղեց ամբողջ Պելոպոնէսը:

—Լակեդեմոնի պարիսպները, պատասխանեց Առիւծը, գլուխը շարժելով: Ընորհակալ եմ պալասանի համար, որ դուք աշխատում էք լցնել իմ սրտի վերքերի վերայ: Բայց կարժամանակ, երբ Լակեդեմոնը չունէր ոչինչ պարիսպներ—նոցա տեղը բռնում էին նորա զաւակների կուրծքերը: Այն ժամանակ թշնամին երբէք չէր տեսնում իմ հայրենիքի օջախներից դուրս եկած ծուխը: Վային օրեր, երբ Լակեդե-

մոնի երեք հարիւր բաղաբացիների մարմինները կանգնեցրին ամբողջ Ասիայի հոսանքը:

Ինչո՞ւ այդ օրերը այլևս երբէք չեն վերադառնում. գիտէ՞ք թէ ի՞նչը ջնջեց նոցա ընդմիշտ վիճակի դպրութեան մէջ: Գիտէ՞ք թէ ի՞նչը գլորեց շղթայակապ Յունաստանը Հռոմայեցիների ոտի տակ. ի՞նչը խոնարհեցրեց նորան Փրանկների երկաթի ձեռքի տակ, երբ նա ոտի էր կանգնել կոթնելով խաչի վերայ: — Մարդասպան երկալառակուծիւնը, այդ նզոված հրէշը, դժոխքի ծնունդը:

— Այդ տխուր մտքերը ճնշում են ձեզ, ասաց Աննան ցաւակցութեամբ: Բայց ո՞վ կարող է կանգնեցնել ճակատագրի անիւը:

— Բայց մեր Յունաստանը, շարունակեց Խամարէթը, այնպէս գեղեցիկ է. այստեղ մշտական գարունք է: Այս երկիրը ստեղծուած է բախտաւորութեան համար, սրբազնացած է ազատութեամբ: Այո, Աննա, մենք վախկոտ ենք և փախստական: Ապա թէ ոչ, տեսնելով մեր հայրենիքը գերութեան և ստրկութեան մէջ բարբարոսների ձեռքին, մենք պիտի կարմրէինք նայելով մեր հովիտների վերայ — ազատութեան այդ հին պատերազմական դաշտերի վերայ, նայելով մեր սարերի վերայ — մեր հին փառքի այդ արձանների վերայ. մենք պիտի կարմրէինք այն անուան համար, որը կրում ենք, մենք պիտի կարմրէինք յիշելով մեր նախնիքներին, և այն ժամանակ չէինք վազի յաղթութեան բաժակից կրկէսներում... մեր նախնիքները, երբ չէին մնում յաղթող, գիտէին մեռնել:

Խամարէթը խաչեց կուրծքի վերայ ձեռքերը և կորացրեց նորա վերայ իւր դեղնացած երեսը:

Աննան վերկացաւ և թեթեւ կերպով բռնելով ձեռքը ասաց.

— Առի՛ւծ, Առի՛ւծ, նայեցէք արեգակի վերայ. նա լըցնում էր երկինքը իւր ճառագայթների փայլմունքով, իսկ այժմ և նա մարում է արեւմտքի մթութեան մէջ: Դա ընդհանուր օրէնք է և ազգերը չեն կարող զերծ մնալ դորանից: Մի՛ վրդովուի՛ք Աստուածային նախասահմանութեան դէմ:

— Ո՛չ, գոչեց Խամարէթը, մեր հայրենիքի անկումն

կատարուեցաւ ոչ Աստուծոյ նախասահմանութեամբ, այլ դա դէի գործ էր, երկպառակութեան դէի: Արեւը մայր մտաւ, բայց վաղը նա դարձեալ կբարձրանայ իւր փառքի բոլոր շքեղութեամբ: Եւ Յունաստանը՝ կարող է բարձրանալ պղպէս, եթէ միութեան հրեշտակը կիջնի նորա վերայ: — Աստուած տայ, ասաց Աննան: Դա մի ազնիւ ցանկութիւն է, և իմ սիրտս միանում է դորա հետ բոլոր ոգևորութեամբ:

— Ձեր սիրտը միանում է դորա հետ, ոգևորուած բացականչեց Խամարէթը: Ո՛հ, միթէ Աստուած լսեց իւր ժողովրդի աղօթքներին. միթէ նա ուղարկեց հրեշտակը, որ առաջնորդէ մեզ դէպի ազատութիւն: Հրեշտակ, Աստուած, որ պարգևել է ձեզ հրեշտակային գեղեցկութիւն, չլինի թէ ուղարկել է ձեզ երկրի վերայ բերել դորան խաղաղութեան և միութեան աւետիքը—ազատութեան պարգևները: Ձեր մի հայեացքը, ձեր մի ժպիտը—և ահա՛ կբորբոքուի բոցը սրտերի մէջ, և մեր հին կայսրութեան յօշոտած անդամները կմիանան, կկազմեն մի ամբողջութիւն, անյաղթելի իւր միութեան մէջ,—և ալեկոծութիւնից ազատուած բեկորներէ կկանգնի վերստին Բիւզանդիայի սրբազան գահը...

— Ամէն, արտասանեց մի ձայն բամակից—դա Պետրալիֆան էր:

— Այո՛, որդիս, դա մեծ փափագ է: Մենք ամենքս ի հարկէ միանում ենք ձեր ցանկութեան, բայց այն երկրում, ուր իշխում է Վիլլարդուինը, այն տան մէջ, որտեղից նա դուրս գնաց միայն այս բոպէիս, աւելի խռհամութիւն կլինէր, հաւատացէ՛ք ինձ, զսպել քան թէ յայտնել այդ ազասիրական խանգերը:

— Ես երբէք չեմ ծածկիլ իմ կարծիքս հայրենիքսներ կայ դրութեան մասին և իմ ցանկութիւնս ազատել նորան, և այժմ չեմ ծածկի այդ նորա նուաճողներէց:

— Հաւատացէ՛ք իմ փորձառութեան, պատասխանեց Պետրալիֆան, — ծառերը պտուղ են տալի միայն այն ժամանակ, երբ նոցա արմատները ծածկած են հողի տակ: Բայց նախատելով որդուս, ես պէտք է նախատեմ և աղջկաս. ինչպէս դու, Աննա՛, կարողացար այն աստիճան յափշտակուիլ ազգասիրական ոգևորութեամբ որ՝ մոռացար

ԼՈՒՄԱՅ


ԳՐԱԿԱՆ ՀԱՆԴԵՍ

(ԵՐՐՈՐԴ ՏԱՐԻ)



Այս 1898 թուին հրատարակում է երկու գիրք:

Առաջին գիրքը լոյս տեսաւ յունուարի 1-ին, իսկ երկրորդը
կհրատարակուի յուլիսի 1-ին:



«ԼՈՒՄԱՅ» հանդիսի բաժանորդագրինն է տարեկան 3 ռ.
Իւրարանչիւր գիրքն առանձին արժէ 2 ռուրլի:

Հասցէն՝ Тифлисъ, протоіерею Гюту Аганьянцъ.

Հրատարակիչ՝ Գիւղոս ա. քահ. Աղամեղանց



Բ Ո Վ Ա Ն Դ Ա Կ Ո Ւ Թ Ի Ի Ն

Սուրբ Էջմիածին, Արշակ Մայծունի	1
Գէորգ աւետարան, Պերճ Պոռշեանց	3
Դլմիկներ, Ա. Մկրտչեան	49
Դէի արասուքը, Ա. Մայծունի	59
Անգլիական գալոց, Հ. Լիցի. Թարգ. Ա. Սպարապետեան	72
Կաշառք, Պօտապէնկոյի, Թրգմ. Տիրուհի Կոստանեան	98
Մշոյ աշխարհ.	131
Գիւղի այրին, Յար. քահ. Ճուղուրեան	176
Կանոն ոսկերիչ արհեստաւորաց	193
Վարակիչ հիւանդութիւններ, գերմ. Թրգմ. րժշկ. Ս. Մայս- սուրեանց	210

Մ Ա Տ Ե Ն Ա Խ Օ Ս Ա Կ Ա Ն

Կորիւն վարդապետ և նորին թարգմանութիւնք, Նորայր Ն. Բիւզանդացի	232
---	-----

Պ Ա Տ Մ Ա Կ Ա Ն

Պատառիկներ	247
Նիւթեր դպրոցական արտամութեան	249
Ս. Նաղարեանի նամակներ.	252
Տիւզեանց պատմութիւն	258

Ժ Ո Ղ Ո Վ Բ Դ Ա Կ Ա Ն

Գաւառաբառեր.— Երկրագործական սայլի վերաբերեալ	270
Կալի և իւր գործիքների »	272
Անդաստանի »	273
Զիթահանքի »	275
Վանի կեանքից.— Գոմշաթող	278
Մանկախաղ	279
Հարսանիքի երգ	280
Գովք վիճակին	281
Ծոյլ աղջկայ երգ.	282
Վիճակի երգեր	283
Հանելուկներ	285
Հայկավանք	286